

## Jesús - Mixtec, Silacayoapan

1

### Tuhun vaha nacahyí Marcos saha Jesucristo

#### Tá jácandúta Juan ñayivi yucú íchí

(Mt. 3:1-12; Lc. 3:1-9, 15-17; Jn. 1:19-28)

1 Quiahva johó nacava sáhá tuhun vaha cáhan saha Jesucristo, mé a cúú in túhún jini já jahyi Ndióxi.

2 Sanahá nacahyí profeta Isaías ña nacahan Ndióxi xihín jahyi a. Já cáchí a já:

Chindahá i in da canúú cūhūn nū mún,

ñā ná caxi tuhun da nuú ñayivi saha yóhó ta já ndaja ndacú da íchí nuú yahún.

3 Ta cahan cóhó da tañu yucú íchí ta cachi da já xihín ñayivi:

“Caja tiq̄hva ndó íchí nuú quixi xitoho í ta cuná ndó in íchí ndacú nu mé á ña ná ndihvi a ínimā ndó”, nacahyí Isaías.

4 Ta ndaja coo ín Juan yucú íchí ta nacasáhá cāja ndúta dá ñayivi. Ta caxi tuhun da xihín ná ña tá cūni nā caja cáhnu ini Ndióxi sahá cuachi na já ndítahan nu ná ndicó coo ini na ta já candúta ná. 5 Chí naquixi cuahá ndivaha ñayivi estado Judea xihín ñuu Jerusalén taa johó na nu cáhan da ta tá náhma na cuachi na já nacaja ndúta dá nā ini yūta Jordán.

6 Ta nasandixi mé Juan yóho jáhma ña nacavaha na xihín íji camello ta nasandico in ní jáhnda tóco dá. Ta naxixi da tica xihín ñuñu yucú. 7 Tá caxi tuhun da nuú ñayivi já cáchí da já:

—Jatá yehe vaxi in da ín cuaha chāga ndée dá a juú ga yehe chí coó sahá i ndicā xítí i nu dá ña ndaxí i correa ndusa dá. 8 Yehe najácandúta i ndohó xihín ticuifí joo mé da cán cúú da jándicutú ínimā ndó xihín ínimā yii Ndióxi —nacachi Juan xihín ná.

### Tá nacandúta Jesús

(Mt. 3:13-17; Lc. 3:21-22)

9 Mé tiempo já naquee Jesús ñuu Nazaret ña ndácaan estado Galilea. Naxinu a nu ín Juan ta najácandúta Juan Jesús ini yūta Jordán cán. 10 Ta tá naquee Jesús ticuifí cán já naxini a nandinuna indiví ta nanuu ínimā yii Ndióxi jatā mé á. Ta cāa ínimā yii Ndióxi yóho tá quiahva cāa in ndijata. 11 Ta naxini johó na cáhan in a indiví ta já cáchí a já:

—Yóhó cúún jahyi mánj i ta cájii ndivaha ini i xuhun.

### Tá naxito ndojó tiñáhá sacuaḥa Jesús

(Mt. 4:1-11; Lc. 4:1-13)

12 Ivi laá nasahan ínimā yii Ndióxi ndāca Jesús yucú íchí nu coó ñayivi. 13 Ta cán nasahjin a ivi jico quivi ta mé tiñáhá sacuaḥa naxito ndojó rí a. Ta cán ndúu quití quini joo naxinu java tátō Ndióxi chindeé nā mé á.

### Cásáhá Jesús cáhan tuhun vaha xihín ñayivi

(Mt. 4:12-17; Lc. 4:14-15)

14 Tá nandihí nachicaan nā Juan vecāa já nasahan Jesús estado Galilea caxi tuhun a nuú ñayivi tuhun vaha saha Ndióxi. 15 Já cáchí a já xihín ná:

—Sa naxinu tiempo viti ta nacayati quivi cacomí Ndióxi cuéntá sahá ñayivi. Ña ndítahan nu ndo queá jándacoo ndó cuachi cája ndó ta candúsa ndó tūhun vaha ña cuu jácacu ndohó —nacachi Jesús.

### **Cána Jesús comí na caca tuun xihin á**

(Mt. 4:18-22; Lc.: 5:1-11)

16 In tañu xíca Jesús cuahan yati yuhú tañuhú Galilea. Ta naxini a in da naní Simón xihin Andrés, da cúu ñani. Ndívi mé da yóho cúu dá da tává tiyacá ta ñúhu da jácana da ñúnu dá ini tañuhú. 17 Nacasáhá cáchi Jesús já xihin dá:

—Naha quí ndó candico ndó yehe caca tuun ndó xihin i. Tává ndó tiyacá viti joo caca i ña ná cuu tavá ndó ñayivi tañu cuachi —nacachi Jesús.

18 Ta chí ivi laá najándacoo da ñúnu dá ta nandico da Jesús.

19 Anda já naxica loho ga Jesús chí nuu já naxini a Jacobo xihin ñani da Juan, da cúu jahyi Zebedeo. Ndívi da yóho ñúhu da ini barco ndája vaha da ñúnu dá. 20 Nacana Jesús ndívi da yóho ta chí najándacoo da tátá da, Zebedeo cán ini barco xihin java ga da cája chúun xihin dá ta já nacasáhá xíca tuun da xihin Jesús.

### **Tá ndacaan ínimá quini ini in dataa**

(Lc. 4:31-37)

21 Naxinu coo Jesús xihin na xíca tuun xihin á ñuu Capernaum. Ta tá natandaa quivi ndíquehe ndée ñayivi já naquihvi Jesús ini veñuhu ta nacasáhá jánaha na cán. 22 Ta nacatontó tóco ndihi ñayivi sahá tūhun cáhan mé á jáchi najánaha mé á tátūhun in da íin saha cahnda chuun ta co cáhan tátūhun na jánaha ley Moisés. 23 Ini mé veñuhu cán nasandacaan in dataa, da ndacaan ínimá quini ini. Nacasáhá cáyuhú rí cán já cáchi rí já:

24 —Jesús, da ñuu Nazaret. Ndá cuéntá queá quihvi nuún xihin nde. Á vasún jándihún sahá nde. Sa xini vaha i yohó ta cánda cáxi ini i ña cúun in da yii nachindahá Ndióxi —nacachi rí cán.

25 Ta nacasáhá Jesús jánani a rí quini ndacaan ini da cán. Já nacachi a já:

—Caji yūhun ta janí da yóho.

26 Ta tá queta rí quini ndacaan ini da cán nasahní yihí rí da ta cáyuhú cóhó rí já naqueta rí ini da cán.

27 Nacatontó tóco ndihi ñayivi chí nacasáhá ndaca tūhún táhan na já cáchi na já:

—Ndía queá yóho. Ta ndá naquixi tūhun saá jánaha da yóho jáchi cáhan da xihin rí quini tátūhun in da sáhdá chuun ta chí cándúsa rí quee rí cūhun rí —nacachi na.

28 Ta chí cama chá nandicuita nuu tūhun saha Jesús ní cúu estado Galilea.

### **Ta nandaja vaha Jesús ña cúu xojo Simón**

(Mt. 8:14-15; Lc. 4:38-39)

29 Tá naquee na veñuhu já cuahan Jesús xihin Jacobo xihin Juan vehe Simón xihin ñani da, Andrés. 30 Ta ndaja coo cándúhu ña cúu xojo Simón nuu xito nachicaan cáhni ndeé ña. Ta tá naxinu coo na cán já nacaxi tūhun na nuu Jesús ña quihvi ña. 31 Anda já nacayati Jesús nu ña ta natiin a ndáha ña já nandínehe a ña chí ivi laá nandindaa cáhni á ña. Anda já nacasáhá cája ndívi ña ña cuxu na.

### **Ndája vaha Jesús cuahá ñayivi**

(Mt. 8:16-17; Lc. 4:40-41)

32 Tá naqueta nuu candii ta nacuaá já ñehe ndihi ñayivi na quihvi xihin na ñúhu ínimá quini ini

naçasaa nã nũ Jesús. 33 Ta tóco ndihi nã ñuu nandai cuu na yuyéhe nũ ñin Jesús. 34 Nandaja vaha Jesús cuahá ñayivi, nã ndóho tá nuú cuehe. Ta ñatavá a cuahá ñinima quini ini ñayivi. Joo coo ñasahan Jesús ñamaní nũ rí quini ñã ná cahan rí jáchi xini rí yo cúu Jesús.

#### **Xíca nuu Jesús jáñaha ñayivi estado Galilea**

(Lc. 4:42-44)

35 Ta naha inga quiví itaan tá camaní yí tivi nandacoo Jesús ta ñaquee a ñuu cuahan nuú coo ñayivi ñã caça tahví a nũ Ndióxi. 36 Tá nandacoo Simón xihín java ga da xíca tuun xihin Jesús já ñaxini na ñã coo a ñin chí ñaquee na cuahan nã ndinducú nã mé á. 37 Ta tá nandíñehe ñahá nã já cáchí nã já xihin á:

—Tóco ndihi ñayivi ndinducú nã ndohó.

38 Joo cáchí Jesús já xihin ná:

—Cóho java ga ñuu yati yóho ñã ná jáñaha i tuhun vaha nuú nã cán viti jáchi sahá ñã yóho vaxi i — cáchí Jesús.

39 Ta chí ñaxica nuu Jesús ní cúu estado Galilea cahan tuhun vaha ini veñuhu in in ñuu cán ta tává a ñinima quini ndácaan ini ñayivi.

#### **Tá nandaja vaha Jesús in da ndóho cuehe táhyi**

(Mt. 8:1-4; Lc. 5:12-16)

40 Ta ndaja coo ñacayati in dataa ndóho cuehe táhyi nuú Jesús ta ñacaxítí da nũ á já ñacasáhá cáchí da já:

—Cuu ndaja vaha ndó yehe tá cúni ndó —cáchí da.

41 Ta ñatahví ini Jesús sahá dá. Anda já ñacani ndaa ndáha á da. Já cáchí a já:

—Cúni ñã ná ndivahún ñã cán queá nandivahún viti —ñacachi Jesús xihin dá.

42 Tá ñacachi a já chí iví laá nandindaa cuehe táhyi ñã ñandoho da cán. Já nandiví yiquí cuñu da. 43 Tá nandihí ñajándindayí Jesús da ta ñasahnda chuun nũ dá já cáchí a já xihin dá:

44 —Candehé. A cahun xihín ni in túhún toho ñayivi ñã ñacaja i xuhun. Cuáhán ndacún ñahun mún nuú jutú. Ta ndítahan jocún ñaha nũ Ndióxi tátuhun ñasahnda ley Moisés sanahá caha nã sa nandivaha. Já ná candaa ini tóco ndihi ñayivi ñã sa nandindaa va cuehe ñasandohún —ñacachi Jesús xihin dá.

45 Joo tá ñaquee da cuahan da ñacasáhá da ndícani da nuú ndihi ñayivi ñã nandaja vaha Jesús da sahá ñã cán queá coo ñacuu ga ndihvi tvi Jesús ni in ñuu. Jatá ñuu nuú co ndúu ñayivi ñasahiin a ta janda mé cán xinu coo ñayivi, nã quíxi nuú ndijáá ñuu xito nihni na mé á.

2

#### **Tá nandaja vaha Jesús in da ñaxihí tuchu saha**

(Mt. 9:1-8; Lc. 5:17-26)

1 Tá ñayaha chá quiví já nandicó coo tucu Jesús ñuu Capernaum. Ta ñacandaa ini ñayivi ñã ñin a vehe.

2 Ta chí cama chá nanditútú cuahá ñayivi chí coo vátí ga yuyéhe cándita na. Já ñacasáhá cáxi tuhun Jesús tuhun Ndióxi nũ ná. 3 Anda já ñaxinu coo comí taa ta ñéhe da in da ñaxihí tuchu saha. Nasaa da nũ ñin Jesús. 4 Joo ñaxini da ñã a cuú xinu da yati nũ ñin Jesús sahá cuahá ñayivi chutú ndaa nũ ñin a cán. Chí nandaa da jiní véhe ta ñacasáhá da súná da jiní véhe mé xoo nũ ñin Jesús. Ta mé cán najánuu da xito loho nũ cándúhu da quíhví chí yávi jiní véhe cán. 5 Tá ñaxini Jesús ñã cándeé ini da cán mé á já cáchí a já xihin mé da quíhví cán:

—Candehé, jahyi a. Sa ñacaja cáhnu ini i sahá cuachún viti —ñacachi Jesús.

6 Joo java na jánaha ley Moisés ndúu coo cán nacasáhá cáhán na: 7 “Ndá cuéntá queá ndája núu da Ndióxi xihín tuhun cáhan da. Jáchi ni in túhún toho ñayivi a cuú caja cáhnu ini sahá cuachi. In túhún jini Ndióxi queá cuu caja cáhnu ini sahá cuachi”, nacahán na. 8 Joo sa nacandaa ini Jesús ña cáhvi ini na cán chí nacachi a já xihín ná:

—Ndávaha cáhán ndo já. 9 Á cáhán ndó ña ihvi chága cachi i xihín da yóho: “Nacaja cáhnu ini i sahá cuachún viti.” Á tá coó ta cachi i xihín dá: “Cuándacoó, ndiquehe xitún ta caca nuún.” 10 Candehé vaha ndó ná naha i nu ndo ña íin sahá i, da nachindahá Ndióxi nduu u ñayivi caja cáhnu ini i sahá cuachi cája ñayivi ñuyiví yóho —nacachi Jesús xihín ná.

Anda já nacachi a xihín mé da naxihí tuchu saha cán:

11 —Ta viti cáhan i xihun cuándacoó ndiquehe xito lohún ta cuanúhu —nacachi a.

12 Chí ivi laá nandacoó mé da quíhvi cán ta nandiquehe da xito loho da já naquee da cuahan da nuú ndihi na ndúu cán. Anda já nactóntó tóco ndihi na ta nacasáhá cája cáhnu na Ndióxi já cáhí na já:

—Ni in túhún tañu coó naxini nde in ñaha cáhnu tátuhun ña yóho —nacachi na.

### **Tá nacana Jesús Leví, da cáhan na Mateo xihín**

(Mt. 9:9-13; Lc. 5:27-32)

13 Tá nandihí já nasahan tucu Jesús yuhú tañuhú cán ta tá nacayati cuahá ñayivi nu á já nacasáhá jánaha nu ná. 14 Nani xíca Jesús cuahan nayaha nu íin in da naní Leví, jahyi Alfeo. Ta íin coo da nu sácoo da játaca jiuhún cuéntá impuesto. Ta cáhí a já xihín dá:

—Naha quí candicun yehe.

Anda já nandaca ndichi Leví ta nandico da Jesús.

15 Tá nandihí nasahan Jesús vehe Leví ta nasacoó a xíxi a xihín cuahá da játaca jiuhún cuéntá impuesto xihín java ga na cája cuachi. Ta sa mé cán nasanduu ri java da xíca tuun xihín Jesús xíxi da tañu na cán jáchi cuahá ñayivi ndico na Jesús. 16 Joo na jánaha ley Moisés xihín na fariseo tá naxini na íin coo Jesús xíxi a xihín na cán nacasáhá cáhí na já xihín da xíca tuun xihín Jesús:

—Ndá cuéntá queá xíxi xitoho ndó xihín na játaca jiuhún cuéntá impuesto ta xihín java ga na cája cuachi —nacachi na cán.

17 Tá naxini johó Jesús ña yóho nacasáhá cáhí a já:

—Ñayivi íin vaha co xíní ñúhú toho na da cája tátá ñahá joo na quíhvi, na cán cúu na xíní ñúhú da cája tátá ñahá. Ta yehe coó vaxi toho i cana i na sa íin vaha. Vaxi i cana i ñayivi, na cája cuachi ña ná jándacoó na cuachi cája na —nacachi Jesús.

### **Cáhan Jesús ndá saha queá cajuhun na**

(Mt. 9:14-17; Lc. 5:33-39)

18 In tañu tá xíjuhun na xíca xihín Juan xihín na xíca xihín na fariseo naxinu coo java ñayivi nu Jesús ta nacasáhá ndáca tuhún na mé á já cáhí na já:

—Ndávaha co xíjuhun toho na xíca tuun xihín yóhó joo xíjuhun mé nde, na xíca xihín Juan xihín na xíca xihín na fariseo —nacachi na.

19 Ta nanducú ñehe Jesús tuhun nu ná já nacachi a já:

—Á cáhán ndo xíjuhun na ndúu víco tándaha nani íin mé da tándaha cán xihín ná. Uhun. Jáchi cáji íni na nani íin mé da tándaha xihín ná. Chí a cuú toho cajuhun na. 20 Joo xinu quívi candaa na mé da tándaha ta anda jáví casáhá cajuhun na. Ta cáhí i xihín ndó ña vaxi quívi candaa na yehe nuú na yóho ta anda jáví casáhá na xíca tuun xihín i cajuhun na —nacachi Jesús.

21 Ta nasacu Jesús inga quiahva nu ná já cáhí a já:

—Ama ná jándaha ñayivi jahmá yatá xihín in túhún jáhma saá jáchi tá nandihí ndíndíí a, sáhdá chága

ví a jahmá yatá cán ta jándacáhnú chága ví a yávi ña nandicahmá na cán. 22 Ta ni co táán na vino sáá ini vóso nîi yatá jáchî jácáhnî mé vino cán nîi ta cuítá mé vino cán ta tívi vóso nîi cajú dó sahá ña cán quéa ndítahan taán na vino sáá ini vóso níi saá —nacachi a.

### Ña nacaja na xíca tuun xihín Jesús in quivi ndíquehe ndée ñayivi

(Mt. 12:1-8; Lc. 6:1-5)

23 In quivi ndíquehe ndée ñayivi nani xíca Jesús cuahán tañu nuú naxutu na trigo xihín na xíca tuun xihín á já nacasáhá túhun na yucu jini trigo. 24 Tá naxini na fariseo ña cajú na já nacachi na já xihín Jesús:

—Candehé. Ndávaha cajú na xíca tuun xuhun chuun ña co ndítahan cajú na quivi ndíquehe ndée yo —nacachi na fariseo.

25 Anda já nacachi Jesús já xihín ná:

—Á a ñáha cahvi ndó nuú tuhun Ndióxi nu cáhan sahá ña nacaja David sanahá tá nacuico mé dá xihín na xíca xihín dá. 26 Ña nacaja David quéa naquihvi da veñuhu Ndióxi tá nasacuu Abiatar da sacuaña nuú jutú. Já naxixi da pan yii ña in túhún jutú cúú da ndítahan nuú cuxu ña cán, nduu. Joo naxixi David ña ta nasahan da ña nuú java ga na xíca xihín dá.

27 Ta nacachi tucu Jesús já xihín ná:

—Candehé ndo. Coó nacavaha Ndióxi ñayivi ndoho ini na sahá quivi ndíquehe ndée ná jáchî nasacu ini a cavaha in quivi já ná cuu ndíquehe ndée ñayivi. 28 Ña cán quéa yehe va, da nachindahá Ndióxi nduu ñayivi iin sahá i cahnda i chuun sahá quivi ndíquehe ndée ñayivi —nacachi Jesús.

3

### Tá nandaja vaha Jesús in da nahichî ndáha

(Mt. 12:9-14; Lc. 6:6-11)

1 Naquihvi tucu Jesús ini veñuhu ta cán nasandacaan in dataa, da nahichî ndáha. 2 Ta nacasáhá nání na fariseo Jesús sándehe na á ndaja vaha mé á da cán quivi ndíquehe ndée ná já ná cuu chicao na cuachi jatá. 3 Anda já cáchî Jesús xihín da nahichî ndáha cán já:

—Cuándacoo ta candichi mahñú yóho —nacachi Jesús.

4 Anda já nandaca tuhún a na java cán já cáchî a já xihín ná:

—Ndía cáchî ley ndítahan cajú í mé quivi ndíquehe ndée ñayivi. Á chindeé yó ñayivi á cajú í ña núu xihín ná. Á jácácu na á cahní yó na —nacachi Jesús.

Joo ni in túhún tuhun coo nacahan na. 5 Nacasáhá xójo ini Jesús sándehe a nu ná. Joo táhvi tucu ini a saha ná jáchî cúú ná ñayivi sáá ini. Ta cáchî a xihín mé dataa, da nahichî ndáha cán:

—Jándacaa ndáhun.

Tá najándacaa da ndáha dá ivi laá nandivaha ndáha dá. 6 Tá nandihî naquee na fariseo veñuhu já nacasáhá na jándique táhan na tuhun na xihín na cuéntá Herodes ña cahní na Jesús.

### Tá nanditútú cuahá ñayivi yuhú tañuhú

7 Joo nasahan Jesús xihín na xíca tuun xihín á yuhú tañuhú ta cuahá ndivaha ñayivi estado Galilea nandico na nasahan na. 8 Tá nacandaa ini ñayivi ña náhnú cajú Jesús, naquixi cuahá na estado Judea xihín na ñuu Jerusalén xihín na ñundáhyi Idumea xihín na inga xoo yuta Jordán xihín java na ndúu ñuu válí jín ñuu Tiro xihín Sidón jáchî candehé na Jesús cúni na. 9 Sahá ña yóho quéa naxica Jesús ñamanî nuú na xíca tuun xihín á ña ná cacu tiahva na in barco nuú ndacaan mé á ña ná a cándfhi ñayivi cuaha cán ña. 10 Jáchî cuahá ndivaha ñayivi nandaja vaha mé á. Sahá ña cán quéa tóco ndihî na

quihvi cáti na jatá ña cani ndaa ndáha ná mé á cúnj na.

11 Ta tá ñaxini na ñúhu ínima quini ini cán Jesús ivi laá ndícava xítí na nu á ta cásáhá cáyuhú cóhó na já cáhí rí quini ndácaan ini na cán já:

—Yóho cúun da cúu in túhún jini já jahyi Ndióxi.

12 Joo jánani Jesús rí cán já sáhdá a chuun nu ri ña ná a cáxi tuhun rí yo cúu mé á.

### **Tá ñacaxi Jesús uxu ivi da caca tuun xihin á**

(Mt. 10:1-4; Lc. 6:12-16)

13 Tá ñandihí já ñaquee xóo Jesús ñasahan in xiqui ta tá ñandihí ñacana mé á java na xíca xihin á cán, mé na cúnj a caxi a ta ñaxinu na cán nu Jesús. 14 Ta tañu na cán ñandicaxi Jesús uxu ivi da caca tuun xihin á ta tá ñandihí já ñachindahá mé á da cuhun da cahan da tuhun Ndióxi xihin ñayivi. 15 Ta ñacaja mé á ña cuu ndaja vaha da na quihvi ta cuu cahnda da chuun nu rí quini ña ná quee rí ini ñayivi. 16 Ña yóho cúu quivi uxu ivi da ñandicaxi Jesús caca tuun xihin á: Simón, da ñasacu tucu a quivi cananí Pedro 17 xihin Jacobo xihin ñani da, da naní Juan, jahyi Zebedeo. Ndívi da yóho ñasacu a quivi cananí Boanerges ta mé tuhun yóho cúnj cachi a cúu dá tátuhun jahyi in tasa ña cána indiví. 18 Ñacaxi a Andrés xihin Felipe xihin Bartolomé xihin Mateo xihin Tomás xihin Jacobo, da cúu jahyi Alfeo xihin Tadeo xihin Simón, da ñaxica cuénta na cananista 19 xihin Judas Iscariote, mé da ñajicó túhún Jesús tá nu ndíhí.

### **Jáchojo na cuachi jatá Jesús ña cája chúun a xihin ndée tiñáhá sacuaḥa**

(Mt. 12:22-32; Lc. 11:14-23; 12:10)

Anda já ñaquihvi Jesús ini in vehe xihin na xíca tuun xihin á. 20 Ta inga tucu ñachutú cuahá ñayivi nu ín a janda a cuú cuxu a xihin na xíca tuun xihin á cán. 21 Ta tá ñañehé na vehe Jesús tuhun sahá ña yóho ivi laá ñaquixi na ña cañehe na mé á cuhun a cúnj na jáchí ñacatachí Jesús cáhan na.

22 Jári na jánaha ley Moisés, na ñaquixi Jerusalén ñacasáhá cahan na já cáhí na já:

—Taa yóho ndácaan Beelzebú ini da, rí cúu sacuaḥa nu rí quini. Ta xihin ndée mé rí cán tává da rí quini ini ñayivi —ñacachi na.

23 Anda já ñacana Jesús ñayivi já ñasacu a in quiahva nu ná ja cáhí a já xihin ná:

—A cuú tavá tiñáhá sacuaḥa mé rí. 24 Jáchí tá sáhdá java táhan na ndúu in ñuu ta cáni táhan ndaja táhan mé va na já queá a ñeñe ín na coo nahá na. 25 Ta tá cásáhá sáhdá java táhan na ndúu in vehe ta cáni táhan na já a cuú ga canduu nahá na mé vehe cán. 26 Ta quiahva já tá ná casáhá rí quini ndúu ndáha tiñáhá sacuaḥa cáni táhan rí xihin mé va rí janda quiahva sáhdá java táhan rí já queá a cuú canduu nahá rí jáchí ndihí saḥa rí.

27 'Sácú u inga quiahva nu ndo. Ni in dataa a cuú ndihvi da caha cuíhná da ñaha vehe in da ndacú cán joo tá ná cató da da ndacú já cuu quehe da ñaha da cán.

28 'Mé a ndaa ná cahan i xihin ndo. Ndióxi cuu caha cáhnu ini a saḥa tá nuú cuachi cája ñayivi xihin saḥa tá nuú tuhun quini cahan na. 29 Joo tá ná cahan núu na saḥa ínima yii Ndióxi já queá a cája cáhnu ini Ndióxi saḥá ña ñacaja na ta anda ama cáa quivi candojo na cuachi saḥa —ñacachi Jesús.

30 Ñacachi a ña yóho xihin na cán jáchí cáhí na ña ndácaan ínima quini ini a.

### **Náná Jesús xihin ñani a cúnj na cuni na a**

(Mt. 12:46-50; Lc. 8:19-21)

31 Tá ñandihí ñaxinu náná Jesús xihin ñani a nu ín a joo ñacandoo na jata véhe. Ta ñachindahá na in na ñasahan ñacana ñahá. 32 Ta na ndúu coo xihin Jesús cáhí na já xihin á:

—Jatá véhe cáa íin nánún xihín ñanún ta ndínducú na yóhó —cáchi na xihín Jesús.

33 Anda já nacachi Jesús já xihín ná:

—Ná cahan i xihín ndo yo já cúú tátuhun náná i xihín ñani i.

34 Anda já nasandehé a nuú na ndúu coo tiyivi xihín á cán já cáchi a já xihín ná:

—Na yóhó cúú ná tátuhun náná i xihín ñani i. 35 Jáchí ndá na cája ña cúní Ndióxi, na cán cúú ná tátuhun ñani i xihín quiahvá i xihín náná i —nacachi Jesús.

4

### Sácú Jesús quiahva sahá in da sata tata

(Mt. 13:1-9; Lc. 8:4-8)

1 Nacasáha tucu Jesús jáñaha ñayivi yuhú tañuhú ta nataca cuahá ñayivi nu íin a cán. A juú quiahva cuahá cúú ná sahá ña cán queá naquihvi Jesús ini in barco, dó cándichi yuhú tañuhú cán. Ta nasacoo a cán ta tóco ndihi ñayivi nandaca ndita na nuú ñutí yuhú tañuhú cán. 2 Já najánaha cuahá ñaha nuú na cán ta nasacu a quiahva nu ná já cáchi a já:

3 —Cuni johó ndó ña yóhó: In da sata tata naquee da cuahan da cata da ña. 4 Ta tá sata da ña cuahan da nacuyu java ña íchi ta naxinu laa ta nasaxí rí a. 5 Ta java ña nacuyu a tañu yuu nuú coo cuaha ñuhú. Ta cama chá nanduta mé tata cán jáchi co cúná ñuhú nuú nacuyu a. 6 Joo tá naqueta candii já najáhichi a ña sahá ña coo cuaha yóhó a chí nandihí sahá. 7 Ta java tata nacuyu a tañu tohíñú ta tá nasahnu tohíñú cán já nanditáha ndihi a nacaja tohíñú chí coo nasahan mé tata cán ndá ñaha jáquee na nu á. 8 Ta java tata nacuyu a nuú ñuhú vaha. Nanduta mé tata cán ta nasahnu a já nasahan cuahá ñaha ña jáquee na nu á. Java ña nasahan oco uxu a nuú in in tata ta java ña nasahan uní jico uxu a ta java ña in ciento a nuú in in tata.

9 Anda já nacachi tucu Jesús já xihín ná:

—Na íin johó, ná cuni johó na —nacachi a.

### Ndicani Jesús ndá saha queá nasacu a quiahva nu ná

(Mt. 13:10-17; Lc. 8:9-10)

10 Tá nacandoo Jesús xihín mé na uxu ivi xíca tuun xihín á cán xihín java ga na ndíco ñahá cán já nacasáha ndaca tuhún na Jesús ña ndíá cúní cachi a xihín quiahva nasacu a nuú na cán. 11 Ta cáchi a já xihín ná:

—Ña coo nacandaa ini ndó jihna ña cán cándaa ini ndó a viti jáchi nasuná Ndióxi xíní túní ndo cándaa ini ndó ndá quiahva cacomí mé á cuéntá sahá ñayivi. Joo na a ñaha cacomí Ndióxi cuéntá saha, na cán cúú na sácú u quiahva nuú. 12 Já queá vatí sandehé na joo cúú ná tátuhun na co tvi nuú ta vatí xíní johó na joo cúú ná tátuhun na jóhó jáchi co cándaa ini na ña cahan i xihín ná. Ta sahá ña cán queá co ndíco coo na nu Ndióxi ta ni mé á co cája cáhnu ini sahá cuachi na.

### Ndicani Jesús sahá da sata tata cán

(Mt. 13:18-23; Lc. 8:11-15)

13 Ta já cáchi tucu a já xihín na xíca tuun xihín á:

—Ta tá co cándaa ini ndó quiahva, ña nasacu u yóhó ndaja caja ndó cándaa ini ndó java ga quiahva ña cachi i xihín ndo. 14 Mé da sata tata cán cúú dá tátuhun da xíca cahan tuhun Ndióxi xihín ñayivi. 15 Java ga ñayivi cúú ná tátuhun tata ña nacuyu íchi. Taa johó na tuhun Ndióxi ta tá nandihí naxini johó na ña já vaxi tiñáhá sacuahá ta cája rí xihín ná ña ndíndójó na ña. 16 Ta java ñayivi cúú ná tátuhun tata ña nacuyu tañu yuu jáchi taa johó na tuhun Ndióxi ta cájii ini na ndíquehe na ña. 17 Ta tá quiahva

ndiává yucy sahá ña co ñúhu cúná yóho a quiahva já ndóho ñayivi tá casáhá ndicujta ñayivi cája xíxi na xihín ná. Ta tá casáhá ndóho ini na sahá tũhun Ndióxi ña ñaxini johó ña cán chí ivi laá jándacoo va na ña cándéé ini na Ndióxi. 18 Ta java na cúu ná tátũhun tata ña ñacuyu tañu tohíñú jáchi táa johó na tũhun Ndióxi 19 joo ndícani ndivaha ini na sahá ñaha ñuyívi yóho. Cátóó ndivaha na ñaha cuíca chí jándahvi na mé ná xihín ña cán ta xíca ini na coo tóco ndihi ñaha nu ná. Ta cáva nuu táhan ñaha ñuyívi yóho xihín tũhun Ndióxi ini ínima ná sahá ña cán quéa cávitá ini na ta co sahnú na xihín tũhun Ndióxi. 20 Joo ndúu java ña xini johó tũhun Ndióxi ta cándúsa na ña. Ta cája chúun vaha na xihín á ta já cuahnu na xihín á. Cúu ná tátũhun tata ñacuyu nu ñuhú vaha. Java na cúu ná tátũhun tata ña ñasahan oco uxu a nuú in in a. Ta java na cúu ná tátũhun ña ñasahan unj jico uxu a ta java na cúu ná tátũhun ña ñasahan in ciento a nuú in in tata —ñacachi Jesús xihín ña cán.

### Sácú Jesús quiahva sahá in lámpara

(Lc. 8:16-18)

21 Ta cáchi tucu Jesús xihín ná:

—Coó toho chuun lámpara tá chícaan í ña tixi sató á tixi xito jáchi chuun ña quéa cánúu ña nu jícó já ná jándiyehé ña nu yo. 22 Ni in túhún toho ñaha a cuú coo jehé jáchi xinú quivi já ndáca náha nu á. Ta ni in tũhun ñacahan jehé ñayivi a cuú coo jehé nahá jáchi xinú quivi já candaa ini tóco ndihi ñayivi sahá tũhun ñasahin jehé cán. 23 Na íin johó, ná cuni johó na —ñacachi a.

24 Ta cáchi tucu a já xihín ná:

—Candehé vaha ndó ña taa johó ndó. Tá quiahva cája ndó xihín ñayivi quiahva já caja Ndióxi xihín ndó joo chága ví caja mé á xihín ndó. 25 Jáchi da sa íin ñaha nu, ñehé táhvi dá coo chága ñaha nu dá joo da coó ñaha nu, janda ña chá íin nu dá ndindaa —ñacachi Jesús.

Jánañá Jesús nu ná ndá quiahva sahnú tata

26 Ta cáchi tucu Jesús já:

—Tá ndiquiahva ñayivi mé ná ndáha Ndióxi ña ná cacomí a cuéntá saha ná já cúu á tátũhun in dataa ñachihin tata. 27 Tá ñandihí yáha quivi ta quiji da ta ndácoo da já yáha quivi xihín ñuú. Ta já ndúta mé tata cán ta sahnú a joo mé da ñachihin a cán co xini da ndaja sahnú a. 28 Sahnú a jáchi chuun nu mé ñúhu quéa caja ña ná cuahnu ña cán. Jihna ñúhú ndúta mé yucy trigo já cana yóco a ta nu mé yóco a cán ndicutú ndaa ndiqui á. 29 Ta tá ñachichi mé ndiqui a cán já quée na cuahan ña jáquee na ña jáchi ñaxinu coo quivi jáquee na ña —ñacachi Jesús.

### Sácú Jesús inga quiahva saha ndiqui mostaza

(Mt. 13:31-32; Lc. 13:18-19)

30 Ta cáchi tucu Jesús já:

—Viti sácú u inga quiahva nu ndó já ná cándaá ini ndó ndá quiahva caja Ndióxi xihín ñayivi tá casáhá a comí a cuéntá saha ná. 31 Cúu á tátũhun in ndiqui mostaza ña chíhin na nuú ñundáhyi. Cúu á ndiqui loho chága nu tóco ndihi ndiqui válí íin ñuyívi. 32 Joo tá ñandihí ñachihin na a ñasahnu a ta ñanduú a in yíto, dó cáhnu nu ndíhi yíto. Ta xihín ndahá náhnu dó sácú do cáti ta janda laa ndiquehe ndéé ri nu cáti do —ñacachi Jesús.

### Sácú Jesús quiahva cuití va nuú ñayivi

(Mt. 13:34-35)

33 Najánaha Jesús tūhun Ndióxi nu ná. Ta nasacu cuaha quiahva nu ná tátuhun ña yóho janda quiahva xinu nu mé ná cándaq ini na. 34 Xihin mé quiahva cuití va najánaha Jesús nuú ñayivi joo tá ñacandoo Jesús xihin mé na xica tuun xihin á já ndicani cáxi ndihi a ñaha nuú na cán.

### **Tá najacatáji Jesús tañuhú tá ndicojo do**

(Mt. 8:23-27; Lc. 8:22-25)

35 Tá ñacuaá mé quivi cán já ñacachi Jesús já xihin na xica tuun xihin á:

—Cóho inga xoo tañuhú yóho.

36 Anda já najándacoo na ñayivi já ñaquee na cuahan na xihin Jesús ini mé barco nuú sa ndácaan mé á. Ta ndaca táhan java ga barco cuahan dó xihin ná. 37 Ta ndaja coo ñaxinu in tachi quini ndivaha. Ta ñacasáhá ndicojo tañuhú ndihvi dó ini barco já ñacasáhá ndicutú ticují ini mé barco cán. 38 Ta chí xoo jata mé barco cán cánduhu Jesús quíji a ta cánúu jini á jata ña yfhi jini ná. Já najándacaxi ini na mé á ta cáchi na já xihin á:

—Maestro. Chí co sáhní a mé á ña cúni ndihi saha yo jáchi sácoo barco चाहá ticují cuahan do —ñacachi na.

39 Anda já ñandacoo Jesús ta ñacasáhá jánani a tachi xihin tañuhú viti já cáchi a já:

—Catáji ndo.

Já najáyaq tachi. Já ñacandoo táji ní mé cán. 40 Anda já ñacachi Jesús xihin na xica tuun xihin á:

—Ndávaha ñayihví nahá ndo. Ndávaha co cándeé ini ndó yehe —ñacachi a.

41 A juú quiahva ñayihví mé na cán já ñacasáhá cáhan xihin táhan na:

—Ndá da cúu dataa yóho ña janda tachi xihin tañuhú cándusa nu cáhan da —ñacachi na cán.

5

### **Tá ñandaja vaha Jesús in da ndácaan ínima quini ini**

(Mt. 8:28-34; Lc. 8:26-39)

1 Anda já ñaxinu na inga xoo mé tañuhú cán nu ñin ñundáhyi cuénta Gadara. 2 Ta tá ñanu Jesús barco cán já ñaquee in dataa camasanto já ñaxinu da nuú Jesús. Mé da yóho cúu dá da ndácaan ínima quini ini. 3 Ta ñin va da nu ndúxu ndii ta ni in na a cuú cató na da ni xihin cadena a cuú cató na da. 4 Vatí cuaha tañu sa ñacató na saha dá xihin ndáha dá joo sáhdá da cadena ta jácuachi da ña ta ni in na a cuú caja xihin dá. 5 Nuú ta ndiví xica nuu da yucu xihin nu ndúxu ndii cáyuhú da xica nuu da ta jándicuehe da mé dá xihin yuu. 6 Joo tá ñaxini xica da Jesús, ñihi chá ñasahan da ñaxinu da nu ñin a já ñandicava xítí da nu á. 7 Ta cáyuhú cóho da já cáchi da já xihin á:

—Ndá cuénta quea vasún quihvi nuún xihin i. Yóho cúun Jesús, da cúu in túhun jini já jahyi Ndióxi, ña cáhnu ndivaha. Xica tahví i nuun ña ná a jándohún ini i —ñacachi da.

8 Ñacachi da ña yóho xihin Jesús jáchi ñacasáhá sáhdá mé á chuun nu rí quini cán já cáchi a já:

—Ínima quini, janí da yóho.

9 Anda já ñandaca túhun Jesús mé rí quini cán já cáchi a já:

—Ndaja nanún.

Anda já ñanducú ñehe da cán tūhun nu á já ñacachi da já xihin á:

—Legión naní nde jáchi cuaha cúu nde.

10 Ndáhví mé xica tahví da cán nu Jesús ña ná a tává xica a rí quini cūhun rí. 11 Ta ndaja coo xica nuu cuaha cóchi xíxahan rí yati yucu cán. 12 Saha ña cán quea ñaxica tahví mé ínima quini cán nu Jesús já cáchi rí já:

—Chindahá ndehe ná cūhun nde ndihvi nde cóchi cáa.

13 Anda já ñasahan Jesús ñamaní ta chí ñaquee ínima quini ñasañuhu ini da cán já ñandihvi rí ini

cóchí xíca nuu cán. Ta tóco ndihi cóchí yóho xínu rí cuahān rí nanuu rí nu ndáyi já najáqueta nuu rí mé rí ini tañuhú chí ñacandaa rí ticuifí já ñaxihí rí. Tátuhun ivi mil cóchí ñandihí saha.

14 Ta ndaja coo mé ña ndáa cóchí cán ñayihví ña chí xínu da cuahān ña çaxi tuhun da ña ñayaha yóho nuú ñayivi ñuu Gadara xihín nuú java ga ña ndúu yati cán. Naquee cuahá ñayivi mé cán candehé ña ña ñacuu. 15 Tá ñaxinu coo na nuú íin Jesús ñaxini na íin coo ña ñasañuhu cuahā rí quini ini cán. Sa ñandaca ndixi da jáhma ta sa ñandicaxí táhyí ini da. Chí ñayihví ña. 16 Ta ña ñaxini ña ñacaja Jesús cán ñacasáhá ña ndícani na nuú ñayivi ña ñandoho ñataa, ña ñasañuhu rí quini ini cán xihín ña ñandoho cóchí viti. 17 Anda já ñacasáhá ña xíca tahví ña nuú Jesús ña ná quee a çuhun a.

18 Tá sa cuahān ndíhvi Jesús ini mé barco cán já ñaxinu ña ñasañuhu rí quini ini cán já ñacasáhá ña xíca tahví ña nuú á ña ná quiahva ñamaní nuú dá çuhun ña xihín á. 19 Joo coo ñasañahu Jesús ñamaní nuú dá já ñacachi a xihín dá:

—Cuanúhu vehún ta ndicani nuú ña vehún ndaja náhnu ñaha ñacaja Ndióxi xuhun ta ndaja ñatahvi ini a sahun —ñacachi a.

20 Já naquee da cuahān ña ta ñacasáhá ña ndícani da nuú ñayivi ndúu java ñuu cuéntá Decápolis tóco ndihí ña ñacaja Jesús xihín dá. Chí cátóntó ña táa johu na ña.

### **Tá ñandaja vaha Jesús jahyi jíhí Jairo xihín in ña ñacani ndaa ndáha jáhma á**

(Mt. 9:18-26; Lc. 8:40-56)

21 Tá ñandihí ñandihvi Jesús ini mé barco cán já ñaxinu coo a inga xoo tañuhú nuú ñaquixi a. Ta cán ñanditútu cuahá ñayivi nuú á mé yuhú tañuhú cán. 22 Já ñaxinu in ña naní Jairo, ña sáhdá chuun veñuhu. Tá ñaxini da Jesús ñacaxítí ña sahá. 23 Ta ndáhví mé ñaxíca tahví ña nuú á já cáchí ña já:

—Xíhí jahyi í viti ñuhú. Caja ndó ñamaní ná çoho vehe chinúu ndó ndáha ndó jata ña ná ndivaha ña já ná catacu ña —ñacachi da.

24 Anda já naquee Jesús cuahān xihín dá. Chí cándihí táhan mé ñayivi ndíco ña jata cuahān ña. 25 Ta tañu ñayivi cán ndácaan in ña quíhvi. Sa ñaxinu uxu ivi çuía ndítahví ñi ña. 26 ñandoho ndivaha ini ña nuú ña çaja tátá ñayivi ta sa najátiví ndihí ña jíuhún ña cáttá ña çuní ña. Joo a çuú ndivaha ña ta janda çaja ndeé chága ví a xihín ña. 27 Tá ñaxini johu ña saha Jesús já cuahān ña cayati ña chí jata tañu tóco ndihí ñayivi cuahān jata mé a cán. Ta ñacani ndaa ndáha ña jáhma á 28 jáchí ñacahán ña: “Tá ná cani ndaa cuítí ndahá yo jáhma á já ndavaha í”, ñacahán ña. 29 Ivi laá ñahichí ñi ña. ñaxini cáxí ña ñandivaha ña ta cuahān va çuehe ñandoho ña. 30 Jári Jesús ivi laá ñacandaa ini a ña ñandivaha in ñayivi ñacaja ndeé mé á. Já ñacasáhá sándehe a chí jata tañu ñayivi. Já ñacasáhá ndáca tuhún á ña já cáchí a já:

—Ndá ndó ñacani ndaa ndáha jáhma í.

31 Ta ñanducú ñehe mé ña xíca tuun xihín á cán tuhun nuú á já cáchí ña já xihín á:

—Sándehe vaha mé ndó ndá quiahva cándihí táhan ñayivi vaxi na xihín ndo ta cáa ga mé ndó ndáca tuhún ndó ndá ña ñacani ndaa ndáha jáhma ndo —ñacachi na.

32 Joo cáva nuu nuú Jesús sándehe a ndá ña ñacani ndaa ndáha jáhma á. 33 Ta mé ña ñandivaha cán tá ñacandaa ini ña ña ñayaha já ñacasáhá quíji ñinu ña sahá ña yíhvi ña. Já ñaxinu ña ñasaxítí ña nuú Jesús. Anda já ñacasáhá ña ndícani ña nuú á ndaja cáa ña ñacaja ña. 34 Anda já ñacachi Jesús já xihín ña:

—Jahyi a, ñandivahún jáchí ñacandúsún yehe. Cuanúhu ta a ndícani ga ínún jáchí ñandindaa çuehun —ñacachi Jesús.

35 Cáhan yíi va Jesús xihín ña cán tá ñaxinu java na ñaquixi vehe mé ña sáhdá chuun veñuhu cán já ñacachi na já xihín dá:

—Sa ñaxihí va jahyi ndó. A jáquihvi ga ndó ña xíca jánahá ñayivi ña —ñacachi na.

36 Joo ñacaja Jesús tátuhun coo xíní johu a nuú ñacahan ña. ñacasáhá cáchí a já xihín ña sáhdá chuun

veñuhu cán:

—A cáyihví tohún. Candúsa cuití vún yehe —cáchi a.

37 Ta coó nasahan Jesús ñamaní nuú na cuaha ndúu cán cuhun na xihin á. Na nasahan cuití xihin á cúu Pedro xihin Jacobo xihin Juan, da cúu ñani Jacobo. 38 Tá naxinu na vehe mé da sáhdá chuun veñuhu cán já naxini a ndíváá ñayivi sácu ndivaha na cáyuhú na ndúu na cán. 39 Já naquihvi a vehe ta já cáchi a já:

—Ndávaha ndíváá nahá ndo ta sácu cuaha ndo. Ta coó naxihi toho ñáloho yóho joo quíji cuití va ñá — nacachi a xihin na cán.

40 Joo ñacasáhá na sácu ndaa na a. Anda já ñatavá Jesús tóco ndihi ñayivi jata véhe. Na naquihvi xihin á ñasacuu tátá náná ñá xihin na xica tuun xihin á. Ta ñacayati a nu cándúhu mé ñáloho cán. 41 Já ñatiin a ndáha ña ta ñacasáhá cáchi a já xihin ña:

—Talita, cumi —nacachi a. Mé tuhun yóho cúni cachi a: Ñáloho cáhan i xuhun cuándacoo.

42 Ivi laá ñandacoo ñáloho, ñá ndacaan uxu ivi cija ta ñacasáhá ña xica nuu ñá. Já ñacatóntó tóco ndihi ñayivi. 43 Joo ñasahnda Jesús chuun nuú na ndúu cán ña ná a cáxi tuhun na ña ñayaha yóho nuú java ga ñayivi. Ta ñasahnda a chuun nu ná ña ná quiahva na ña cuxu mé ñáloho cán.

6

### Íin Jesús ñuu a Nazaret

(Mt. 13:53-58; Lc. 4:16-30)

1 Naquee Jesús cuanúhu á ñuu a. Já naquee na xica tuun xihin á cuahan na xihin á. 2 Tá naxinu quivi ndiquehe ndée ná já ñacasáhá Jesús jánaha ñayivi ini veñuhu cán. Ta cuahá ñayivi naxini johu nuú ñacahan ta chí ñacatóntó na ta ndáca tuhún xihin táhan na já cáchi na já:

—Ndájá ñacatihva nahá da yóho ña jánaha dá nu yo. Ndá naquixi ña ndíchí jini dá. Ndá naquixi ñaha xitúhún cája da. 3 Á a juú da yóho cúu da cája chúun xihin yíto, da cúu jahyi María. Ta ñani da cúu Jacobo xihin José xihin Judas xihin Simón. Ta quiahva da jan ndúu ñuu yóho xihin mí —cáchi na ndáca tuhún táhan na.

Ta chí coó ñaxeen na candúsa nahá na. 4 Sahá ña cán queá nacachi Jesús já xihin ná:

—Vatí tóco ndihi ñayivi cája cáhnu na in profeta joo na vehe da xihin na ñuu da co cándúsa na da — nacachi Jesús.

5 Chí coó ñacuu caja Jesús ña náhnu nuú na cán. Java va na quihvi cuití va ñachinúu a ndahá jini ná já ñandaja vaha a na. 6 Ta chí ñacatóntó Jesús sahá ña co cándúsa na mé á. Sahá ña cán queá naquee Jesús cuahan jánaha ñayivi java ga ñuu válí ndúu yati cán.

### Tá ñachindahá Jesús uxu ivi na xica tuun xihin á caxi tuhun na nuú ñayivi saha mé á

(Mt. 10:5-15; Lc. 9:1-6)

7 Tá najánditaca Jesús ndíhuxu ivi na xica tuun xihin á cán já ñachindahá a na tá ivi tá ivi cañehe táhan na cuhun na. Ta ñasahan ndée nu ná ña ná cuu tavá na ínima quini ñúhu ini ñayivi. 8 Ta ñasahnda a chuun nu ná ña ná a cañehe toho na ñaha cuhun na íchi. In túhún ña cuu cañehe na cuhun na cúu in garrote, dó tiin ndaa na. Joo a cuú cañehe na ni yátí ni pan ni jjuhún. 9 Ndítahan cayihi na ndusa ta in túhún cotó na ndítahan candixi na cuhun na. 10 Ta nacachi a já xihin ná:

—Tá ná xinu coo ndó in vehe, canduu ndó mé vehe jan anda quiahva xinu quivi quee ndó cuhun ndo.

11 Ta ndá ñuu co cúni na ndiquehe vaha na ndohó ta ni co cúni na taa johu na nu cáhan ndo já queá cuáhán queta ndó cuhun ndo ta catí ndó ña yácá saha ndo já ná nahá ña cuahan cuachi na cán jata mé va na. Mé a ndaa ná cáhan i xihin ndo ña tá ná xinu quivi caja víi Ndióxi sahá ñayivi ndúu ñuyiví já queá jándoho chága Ndióxi ini ñayivi ñuu jan sahá ña coo nandiquehe na ndohó a juú ga tá quiahva

najándoho a ini na ñuu Sodoma xihin Gomorra sanahá —ñacachi Jesús xihin ná.

12 Anda já ñaquee mé na xíca tuun xihin á cuahan ña caxi tühun na nuú ñayivi ña ndítahan nu ná ndicó coo ini na jándacoo na cuachi cája na. 13 Ta ñatavá cuaha ná ínima quini nasañuhu ini ñayivi ta tá ñaxojo ña sítí jiní ñayivi quíhvi já ñandivaha na.

### **Tá ñaxihí Juan, ña ñacaja ndúta ñayivi**

(Mt. 14:1-12; Lc. 9:7-9)

14 Nañehe Herodes, mé ña cómi cuéntá sahá ñayivi cán tühun sahá Jesús jáchi níí cúú ñandicuita nuu tühun sahá. Ta já cáchi Herodes já saha Jesús:

—Á a juú Jesús cúú á Juan, ña najácandúta ñayivi ta viti ñanditacu tucu da. Sahá ña cán queá ín ndée ña cája da tóco ndihi ña cája ña yóho —cáchi ña.

15 Ta java na cáchi ña já:

—Á a juú ña yóho cúú Elías, ña ñasacuu profeta.

Ta java na cáchi ña já:

—Á a juú ña yóho cúú in profeta tátühun ña profeta ñasanduu sanahá ndivaha.

16 Tá ñaxini joho Herodes ña yóho já ñacasáhá cáchi ña já:

—Jivi ndusa ña yóho cúú Juan, ña najácandúta ñayivi, ña ñasahnda i chuun ná chitühun ná jico dá joo viti ñanditacu tucu da —ñacachi ña.

17 Jáchi mé Herodes yóho sa ñasahnda da chuun ña ná tiin na Juan, ña najácandúta ñayivi ta ñacató ña ña já ñachicaan ña ña vecaa. ñacaja da ña yóho sahá Herodías, ña ñasacuu ñájíhí Felipe, ñani mé Herodes jáchi sa ñaquehe Herodes ña cacuu ña ñájíhí mé dá. 18 Ta ñatiin Herodes mé Juan jáchi já ñasacahan Juan já xihin dá:

—Coo ndítahan coún xihin ñájíhí ñanún —ñacachi ña.

19 Sahá ña cán queá ñaxojo ini Herodías xihin Juan. Ta cúni ña cahní ña ña joo a cuú caja ña. 20 Jáchi yíhvi Herodes Juan sahá ña xini ña ña cúú Juan in ña ndaa, ña coo cája cuachi. ña cán queá coo ñasahan Herodes ñamaní nu mé Herodías caja ña ña núu xihin dá. Ta táa joho Herodes nu cáhan Juan vatí cáhvi ivi joho ini da sahá ña xini joho da joo cájii ini da táa joho da nu cáhan ña. 21 Joo in quívi ñanuna nu Herodías cahní ña Juan jáchi ñacaja Herodes in víco cuéntá quívi ñacacu da. Mé já ñacana da ña náhnu ndúu nu dá ña ná quixi na cuxu na xihin dá. Ta ñacana da tóco ndihi ña cúú saçuaha nuú soldado xihin tóco ndihi ñayivi ín saha estado Galilea. 22 Ta ndaja coo ña cúú jahyi jíhí Herodías ñaquíhvi ña nu ndúu na xíxi na ta ñacasáhá ña xíta sahá ña nuú ndihi ña cán. Ta ñacatóo Herodes xihín ña ndúu xíxi xihin dá ndá quíahva ñaxita sahá ña sahá ña cán queá ñacachi Herodes xihin ña:

—Ndía cúni mún, cacún ña nuú i jáchi quíahva i ña nuun —ñacachi ña.

23 Ta ñasahan ña tühun ña nu ña cán ña quíahva da tóco ndihi ñaha ná caça ña nu dá vatí ñahñu táhvi ndaa ñundáhyi ña cómi ña chuun saha ñacachi da quíahva da nu ña. 24 Já ñaquee ña cán cuahan ña caxi tühún ña nu náná ña ña ñacachi Herodes xihin ña. Ta ñandaca tühún ña náná ña ndía caça ña nu dá ta já ñacachi mé náná ña já xihin ña:

—Caça yiquí jiní Juan, ña jácandúta ñayivi —ñacachi Herodías.

25 Ta cama chá ñaquíhvi tucu ña cán nu ndácaan Herodes já cáchi ña já xihin dá:

—Viti ñúhú cúni ña ná quíahva mé ndó yiquí jiní Juan, ña jácandúta ñayivi nuú i ini in coho cáhnu —ñacachi ña.

26 Ta ndaja coo ñacasáhá ñacacuéha ndivaha ini Herodes sahá ña ñaxica ña cán yiquí jiní Juan. Joo sahá ña sa ñasahan ña tühun ña nu ña ta sa ñaxini joho tóco ndihi ña ndúu xíxi xihin dá cán ña ñacachi da xihin ña sahá ña cán queá ndúsa caja da ña cúni ña. 27 Chí ivi laá ñachindahá ña in soldado vecaa ña ná cañehe da yiquí jiní Juan quixi a. 28 ñaxinu soldado cán vecaa já ñachitühun dá jico Juan já ñehe da ña ini in coho cáhnu já ñandiquíahva da ña nu ña cán já ñandiquíahva ña a nu náná ña.

29 Tá ñacandaa ini ña ñaxica xihin Juan ña ñacaja na xihin dá já ñasahan ña ñandiquehe na yiquí cuñu da já ñajánduxu ña ña.

### Tá ñasahan Jesús ña cuxu uhun mil taa

(Mt. 14:13-21; Lc. 9:10-17; Jn. 6:1-14)

30 Tá ñandihí já ñandique táhan tucu ña xica tuun xihin Jesús xihin á já ñacasáhá ndícani na nu á ña ñacaja na xihín ña ñajánaha ña. 31 Já ñacachi Jesús xihín ná:

—Naha ndó ná coho ndiquehe ndée loho í nu cáa xóo.

Ñacachi a já xihín ná jáchi cuahan vaxi ñayivi xica nuu cuaha chá ña mé cán ta chí co sáhan na ñamaní cuxu na. 32 Anda já ñandihvi Jesús xihín ña xica tuun xihín á ini in barco já ñaquee na cuahan ña in nu cáa xóo. 33 Joo cuahá ñayivi ñandicuni na Jesús tá ñaquee a cuahan. Já xínu cuahá ñayivi tá nuú ñuu cán cuahan sáhá ña xoo nuú cuahan Jesús ini barco. Ta jihna ga mé ná ñaxinu yuhú tañuhú cán a juú ga Jesús. 34 Tá ñanuu Jesús barco cán já ñaxini a cuahá ndivaha ñayivi. Já ñatahvi ini a saha ná jáchi tá quiahva ndúu ndicachi, rí coó xitoho quiahva já ndúu na. Anda já ñacasáhá jánaha cuahá ñaha nu ná. 35 Ta tá sa cáhini cuahan ñaxinu ña xica tuun xihín á já cáchi ña já:

—Sa ñahini va ta a juú xoo nu ndúu ñayivi quea yóho. 36 Ndindayí ndó ñayivi ná cuhun ña ñuu válí xihín nuú yati yóho já ná cueen na ña cuxu na —ñacachi ña xica tuun xihín Jesús.

37 Tá ñandihí já ñanducú ñehe Jesús tuhun já cáchi a já:

—Mé ndó quiahva ndó ná cuxu na —ñacachi Jesús xihín ña cán.

Ta ñacachi na já xihín á:

—Ndá cuu caha nde quiahva nde ña cuxu ña yóho jáchi jjuhún cuahá ndivaha xini ñuhú nde já cuu cueen nde pan cuxu ñayivi cuaha yóho. Ta ni a queta toho ivi ciento denario —ñacachi na.

38 Já ñacachi tucu Jesús já xihín ña cán:

—Ndaja pan cómi ndo. Cuahán ndo candehé ndo.

Tá ñasahan ña sánehé ña já cáchi ña já xihín á:

—Íin uhun pan xihín ivi tiyacá.

39 Anda já ñasahnda Jesús chuun nu ná ña ná jácaco na ndihí ñayivi tá táhnda nuú yucu cuí cán. 40 Ta ñasaco na java táhnda in ciento ña ta java táhnda ivi jico uxu ña. 41 Anda já ñatiin Jesús ndíhuhun pan xihín ndívi tiyacá ta sánehé a indiví já ñandiquiahva ndixahvi nu Ndióxi. Ta ñasahnda java pan já ñasahan ña nuú ña xica tuun xihín á já ná ndicahnda na ña nuú ñayivi. Tá quiahva já ñasahnda tiyacá já ñanditahnda rí nu tóco ndihí ñayivi cán. 42 Já ñaxixi tóco ndihí ñayivi cán ta ñachutú tixi ndihí na. 43 Ta mé pan xihín tiyacá ña ñacandoo ñaxixi na ñajáchutú ña uxu ivi toyicá. 44 Ta ñaxixi uhun mil dataa cán.

### Tá ñaxica sáhá Jesús nuú tañuhú

(Mt. 14:22-27; Jn. 6:16-21)

45 Tá ñandihí ñacaja Jesús ña ná ndihvi ña xica tuun xihín á ini in barco ña ná cuhun cuéé ña inga xoo tañuhú já xinu ña Betsaida nani ndindayí a ñayivi já saa mé á cán ndique táhan xihín ná. 46 Ta tá sa ñandindayí ndihí a ñayivi ñaquee a cuahan yucu caca tahví a nu Ndióxi. 47 Tá ñacuaá sa ndácaan barco mahnú tañuhú cán ta Jesús íin yii va nu ñuhu. 48 Ta ñaxini a ña ndóho ini ña xica tuun xihín á jáchi a cuú jácaca na barco ini ticuúí jáchi mé xoo nuú cuhun ña vaxi tachí. Tá sa cuahan tívi já xica sáhá Jesús cuahan nuú ticuúí xoo nu ndúu na ta tá ñacayati a nu ndúu na jalóho yaha saa cuhun a, nduu. 49 Joo tá ñaxini na xica sáhá Jesús nuú ticuúí ñacahán ña cuú á in ínima já ñacayuhú cóho ña. 50 Jáchi tóco ndihí ña ñaxini ñaha ñayihví ña. Joo ñandicahan Jesús já cáchi a já:

—Ndacú coo ini ndó jáchi yehé va cuú u. A yíhvi toho ndó —ñacachi Jesús.

51 Tá nandaa Jesús jata barco nu cándójó na já najáyaa tachi. Chí nacetóntó mé na xica tuun xihin á cán. 52 Jáchí a náha taju vaha ini na sahá na naja Jesús tá nandaja cuaha mé á pan xihin tiyacá jáchí nandaji tuun xini túni ná.

### Tá nandaja vaha Jesús na quíhvi ndúu ñundáhyi Genesaret

(Mt. 14:34-36)

53 Naxinu na inga xoo tañuhú ta nacetó ndaa na barco yuhú tañuhú cán já nasaa na ñundáhyi Genesaret. 54 Tá quéta Jesús xihin na xica tuun xihin á ini barco cán ivi laá nandicuni ñayivi mé á. 55 Já xínu na cuahan na ndijáá ñuu válí ndúu yati cán ndúcu na na quíhvi já ñéhe na na nuú xito cása na nu Jesús. 56 Ta ndá ñuu nacu nu quíhvi Jesús cúu á ñuu náhnu á ñuu válí á yúcu já quéta ñayivi sácú na na quíhvi yuhú íchi. Ta já xica tahi na nu Jesús na ná quíhva ñamaní caní ndaa ndáha ná a vatí loho yuhú jahmá a. Ta ndá na nacaní ndaa ndáha mé á ivi laá nandivaha na.

7

### Ña cája quini ínimá ñayivi

(Mt. 15:1-20)

1 In tañu na fariseo xihin java na jánaha ley Moisés, na naquixi ñuu Jerusalén nacyati na nu íin Jesús. 2 Ta naxojo ini na tá naxini na ña ndúu coo java na xica tuun xihin Jesús xíxi na tá cámaní ndahá na tá quíhva íin costumbre na Israel. 3 Jáchí jánaha na fariseo xihin ndihi na Israel na a cuú cuxu na tá cámaní ndahá vaha na tá quíhva íin costumbre tásáhnu jícó na. 4 Ta jári jánaha na ña tá ndícó coo na sáhan na yahvi xini ñuhú ndahá na tá quíhva íin costumbre na já ná cuu cuxu na. Ta íin cuhá ga nuú ñaha jánaha na ndítahan cajú na tátuhun na ndícata na yáxi xíhi na xihin tindoho xihin cohó caa anda xito quíji na viti, ndítahan ndícata na. 5 Anda já nacasáhá na fariseo xihin na jánaha ley Moisés cáchi na já xihin Jesús.

—Ndávaha co cája na xica tuun xuhun tá quíhva nacyati tásáhnu jícó yo cajú í. Návaha xíxi na tá cámaní ndahá na tá quíhva sáhdá ley cajú í —nacyati na. 6 Já nacyati Jesús já xihin ná:

—Mé a ndaa nacyati profeta Isaías saha ndo jáchí co cúu ndó tá quíhva ndáa ndó.

Já nacyati dá já:

Yuhú ninu uun na cája cáhnu na yehe.

Ta co cája cáhnu na yehe xihin ndinuhu ínimá ná.

7 Mé a uun va quéa cája cáhnu na yehe,

jáchí na jánaha na nuú ñayivi cúu á na quixi jini mé cuití va na, nacyati Isaías sanahá.

8 Jáchí najándacoo ndó na nasahnda Ndióxi nu ndó cajú ndó ta nacasáhá ndíco cáhnu ndó costumbre na naja tásáhnu jícó ndo. Ta sahá na yóho ndícata ndó tindoho xihin yáxi xíhi ndó ta cája ndó cuhá chága costumbre yatá —nacyati Jesús xihin ná.

9 Já nacyati tucu a já xihin ná:

—Sahá na cúni ndo candíco cáhnu ndó costumbre mé va ndó sahá na cán quéa najándacoo ndó na nasahnda Ndióxi cajú ndó. 10 Jáchí já cáchi ley Moisés: “Cajú cáhnún tátún xihin nánún”, ta jári cáchi a já: “Ndá na ná chacaan cháhan jata tátá na á jata náná na, ndítahan quivi na”, cáchi ley Moisés. 11 Joo ndóhó jánaha ndó nuú ñayivi na cuu cahan na já xihin tátá na á náná na: “A cuú chindee e ndóhó jáchí sa nasacu xoo i ñaha i quíhva i na nu Ndióxi”, cáchi na. 12 Tá ná cajú na na yóho já quéa co ndúsa ga chindee na tátá na á náná na. 13 Quíhva joho cája ndó sácú xóo ndó na nasahnda Ndióxi nu ndo ta ndája ndó a tátuhun in ñaha na coo saha. Jáchí ndíco cáhnu ndó costumbre na najándacoo

tásáhnú jícó ndó nū ndo ta quiahva já jánahá ndó nuú jahyi ndó. Ta cuahá ga ñaha tátuhun ña yóho cája ndó —ñacachi Jesús.

14 Anda já ñacana tucu Jesús ñayivi já ñacachi a já xihín ná:

—Cuni johó ndihi ndó nū cáhan i xihín ndo ta candaa ini ndó ña. 15 Ni in ñaha xíxi ñayivi a cuú cajú quini ínimá ná. Ña cuu ndaja quini ñayivi cúú ña quixi ínimá na tátuhun ña cáhan na xihín ña cája na.

16 Na ín johó, ná cuni johó na —cáchi Jesús.

17 Tá ñandihí ñandihí Jesús ini in vehe ta ñacandoo cuahá ñayivi jata véhe. Já ñandaca tuhún na xíca tuun xihín á ña ndía cúnj cachi a xihín tuhun ñacahan xihín ná. 18 Ta ñanducú ñehe a tuhun nū ná já ñacachi a já:

—Á coó toho xíní túnj ri ndóhó va, vaha. Jáchi co cándaa ini ndó ña tóco ndihi ñaha xíxi ñayivi a cuú cajú quini a na. 19 Jáchi ña xíxi ñayivi co xínú a ini ínimá ná joo xínú coo a tíxi na já queta tucu a yiquí cuñu na —ñacachi Jesús.

Xihín tuhun yóho ñacachi Jesús xihín ná ña cuu cuxu na tóco ndihi ñaha ña xíxi ñayivi jáchi co ndája quini a ínimá ná. 20 Ta ñacachi tucu Jesús já:

—Ña cuu ndaja quini ñayivi cúú ña quíxi ínimá ná tátuhun tuhun cáhan na xihín ña cája na. 21 Jáchi chí ini ínimá ná queta ña cáhvi núu ini na tátuhun ña cáhvi ini in dataa coo da xihín ñájíhí ñani táhan da á tá xíca ini da coo da xihín in ñáñáha, ña co cúú ñájíhí da á tá cáhvi ini na cahní na ndji. 22 Ta sa mé cán queta ña xíca ini na cajú cuíhná na ta jári xíca ini na coo cuahá ndivaha ñaha nū ná. Ta sa mé cán queta ña núu cája na ta cáhan na ña tuhún ta cája na tá nuú cuachi ta cáhíhvi ini na ta cátoó na çahan na saha táhan na ta cája cáhnu na mé ná ta quíhvi cája na. 23 Tóco ndihi ña núu yóho ña cáhvi ini ñayivi cajú na, quíxi a ínimá ná ta ndája quini a na.

### Tá ñacandéé ini in ña tóho Jesús

(Mt. 15:21-28)

24 Já ñaquee Jesús cuahan chí ñundáhyi cuéntá Tiro xihín Sidón. Ta ñaquíhvi a in vehe coo a ta co cúnj a ña ná candaa ini na ñuu ña iin a cán joo coo ñacuu coo jehé a. 25 Chá va ta ñacandaa ini in ñáñáha ña ín Jesús vehe cán. Ta ín in jahyi jíhí ña, ña ndácaan ínimá quini ini. Ta ndaja coo ñasaa ña ta ñacaxítí ña saha Jesús. 26 Ta cúú ña ña tóho cuéntá ñundáhyi Sirofenicia. Ta ñaxíca tahví ña nū Jesús ña ná tavá a ínimá quini ndácaan ini jahyi ña. 27 Anda já ñacachi Jesús já xihín ña:

—Jihna ñúhú ndítahan nuú i chindeé e na Israel anda jávi cuu chindeé e ndohó, na tóho jáchi ín in tuhun ta cáchi a ña a váha toho candaa í pan xíxi na valí ta jácana í ña nuú tina —ñacachi Jesús.

28 Anda já ñacachi mé ña tóho cán já xihín Jesús:

—Mé a ndaa cáhan ndó, xitoho. Joo anda tina, rí ndúu tíxi mesa xíxi rí ña jácuu jahyi xitoho rí —ñacachi ña.

29 Anda já ñacachi Jesús já xihín ña:

—Vaha va ñacahun. Saha ña cán quéa cáchi i xuhun cuanúhu viti jáchi sa ñaqueta va ínimá quini ñasandacaan ini jahyún —ñacachi Jesús.

30 Ta tá ñaxínú ña vehe já ñaxini ña cándúhu jahyi ña nuú xito ta sa coo ga ínimá quini cán ndácaan ini jahyi ña.

Tá ñandaja vaha Jesús in da jóho, da a cuú çahan

31 Ñaquee Jesús ñundáhyi cuéntá Tiro ta ñayaha chí ñuu Sidón xihín java ga ñuu cuéntá Decápolis cán já ñaxínú coo a tañuhú Galilea. 32 Cán ñehe na in dataa ñacasaa na nū Jesús. Cúú dá da jóho ta cúú dá da níhi. Ta ñaxíca na nū á ña ná chinúu a ndáha á jini dá já ná ndivaha da. 33 Já ñatavá xóo Jesús da tañu ñayivi cán. Já ñajáquíhvi a in nducu ndáha johó da ta ñaxihnu a tójí a já ñacani ndaa a tójí a yáa

dá. 34 Tá nandihí nasandehé a indiví já ndísaa ndísaa ínima á já nacachi a já xihín dá:

—Efata —nacachi a ta ña yóho cúní cachi: Ná ndinuna.

35 Ivi laá nandinuna johó mé da johó cán ta nandivaha yáa dá já nacasáhá cáhan vaha da. 36 Ta nasahnda Jesús chuun nuú ndihi na ña ná a cáxi tuhun na ña yóho nuú ni in ñayivi. Joo tá nacachi a ña yóho já queá ví ga ví cáhan na. 37 Chí cátóntó ndihi ñayivi tá xíni johó na ña ta cáhan xihín táhan na já cáhí na já:

—Vaha ndivaha cája Jesús tóco ndihi ñaha jáchi jánditacu a na johó ta jándicahan mé á na níhi — nacachi na.

8

### Tá nasahan Jesús ña cuxu comí mil ñayivi

(Mt. 15:32-39)

1 Mé já nanditútú tucu cuahá ñayivi ta chí coó mé ñaha cuxu na. Anda já nacana Jesús na xíca tuun xihín á já nacachi a já xihín ná:

2 —Táhnada ndivaha ini i sahá ñayivi yóho jáchi sa naxinu uní quivi ndúu na xihín i yóho ta chí coó ga ñaha cuxu na. 3 Ta co cúní chindahá i na nuhu na vehe na jáchi cámani cuxu na ta tiahva náá cuitá na ta cuyu na íchi jáchi sa cání ndivaha naquixi java na —nacachi Jesús.

4 Anda já nacachi na xíca tuun xihín á cán já:

—Ndaa cáhan ndo. Ta ni mí, a cuú quiahva í ña cuxu na jáchi coó toho ñayivi ndúu yóho nuú cueén ña cuxu na —nacachi na.

5 Anda já nandaca tuhún Jesús na já cáhí a já xihín ná:

—Ndaja pan cómi ndo.

Já nacachi na cán já:

—Usa ña.

6 Anda já nasahnda Jesús chuun nuú ñayivi ña ná cacoo na nu núhu. Já natiin a ndíhusa pan cán. Ta nandiquiahva ndixahvi nu Ndióxi. Já nasahnda java ña ta nasahan ña nuú na xíca tuun xihín á cán ña ná ndicahnda na ña nuú ñayivi cuahá cán. 7 Ta jári nasacomí na java tiyacá válí ta nandiquiahva mé á ndixahvi nu Ndióxi saha ri já nasahnda chuun nu ná ña ná ndicahnda na ri. 8 Ta naxixi tóco ndihi na ndúu cán anda quiahva nachutú tixi na ta tá nandihí najáchutú na janda usa toyicá xihín ña nacandoo. 9 Tátuhun comí mil ñayivi naxixi. Ta tá nandihí já najándindayí Jesús na. 10 Já nandihvi a ini barco xihín na xíca tuun xihín á já naquee na cuahan na ñundáhyi cuéntá Dalmanuta.

### Cúní na fariseo ña ná caja Jesús in ña xitúhún nu ná

(Mt. 16:1-4; Lc. 12:54-56)

11 Anda já naxinu na fariseo nu Jesús já nacasáhá ndítúhún na xihín á. Ta sahá ña cúní na coto ndojó cuití ñahá na sahá ña cán queá naxica na nu á ña ná caja in ña xitúhún, ña quixi indiví já ná candaa ini na á mé a ndaa cúu á ña natchindahá Ndióxi. 12 Ndísaa ndísaa ini Jesús jáchi ndíhi ini a xihín ná já cáhí a já:

—Ndá saha queá xíca na yóho ña ná caja i in ña xitúhún. Mé a ndaa ná cahán i xihín ndó ña a cája i ñaha xitúhún nuú na yóho —nacachi a.

13 Anda já nandihvi tucu Jesús ini mé barco cán ta najándacoo a na cán já naquee a cuahan inga xoo tañuhú.

### Tá cáhan Jesús sahá ña jánaha na fariseo

(Mt. 16:5-12)

14 Ta ndaja coo nandindójó mé nà xíca tuun xihín a cán cañehe na ñaha cuxu na joo nasahin in pan cuití va xihín ná ini barco cán. 15 Anda já nasahnda Jesús chuun nu ná já cáchí a já xihín ná:

—Candehé ndo. Cuéntá coo ndó xihín na fariseo ta xihín na cúú cuéntá Herodes jáchí ña jáñaha na cúú á tátuhun yúsa naxaa ña cáva táhan na xihín harina cávaha na pan —ñacachi Jesús.

16 Coó ñacandaa ini na ña cáchí a ña cán queá ñacasáhá ndítúhún xihín táhan na já cáchí na já:

—Sahá ña coó pan ñehé vaxí sahá ña cán queá cáhan Jesús ña yóho xoho —ñacachi na.

17 Sa ñacandaa ini Jesús ña cáhan na ta já ñacasáhá cáchí a já:

—Mé ndó cáchí ndó ña coó pan ñehé vaxí jáchí co cánda ini ndó ta ni co cája ndó cuéntá sahá ña jáñaha i. Nandaji tuun xíní túnj ndo. 18 Cúú ndó tátuhun na co tívi nuu xihín na coó johó jáchí vatí xíní ndo ta xíní johó ndó joo co cánda ini ndó. Á co ndícuñun ini ndó ña ñacaja i 19 tá nandicahnda i ndíhuhun pan nuú uhun mil taa. Ndaja toyicá nanditaca ñacaja ndó xihín ña ñacandoo cán —ñacachi Jesús.

Já nanducú ñehe na tuhún nu á:

—Uxu ivi ña.

20 Ta ñacachi tucu Jesús xihín ná já:

—Ta tá nandicahnda i usa pan nuú comi mil ñayivi, ndaja toyicá nanditaca ñacaja ndó xihín ña ñacandoo —ñacachi a.

Já nanducú ñehe na tuhun nu á:

—Usa ña.

21 Anda já ñacachi a já xihín ná:

—Cámanj yij va cánda ini ndó —ñacachi a.

Tá nandaja vaha Jesús in da cuaá ñuu Betsaida

22 Tá nandihí naxinu na ñuu Betsaida já ñehe na in da cuaá ñacasaa na nu Jesús. Já naxica tahví na nu á ña ná caní ndaa ndáha á da. 23 Ta chí ñatiin a ndáha da cuaá cán já ñatavá a da yuhú ñuu.

Nachindaa tójij a nduchú núú da já ñachinúu a ndáha á jiní dá. Já nandaca tuhún a da á cuu candehé da. 24 Ta já ñacachi da cán já sándehe da:

—Sándehe e java taa joo tá quiahva ndaa yíto quiahva já ndaa da xíca nuu da xíní i —ñacachi da.

25 Anda já ñachinúu tucu Jesús ndáha á nduchú núú da já ñasándehe ndaa da. Anda jáví nandivaha nduchú núú da ta ñacasáhá sándehe cáxí vaha da tóco ndihí ñaha. 26 Ta ñachindahá Jesús da cuanúhu da vehe da já ñacachi a já xihín dá:

—A ndíhvún mahñú ñuu ni a ndícanún ña yóho nuú ñayivi ndúu jan —ñacachi a.

**Tá cáxi tuhun ndaa Pedro ña cúú Jesús mé a ñachindahá Ndióxi cacomí cuéntá sahá ñayivi**

(Mt. 16:13-20; Lc. 9:18-21)

27 Tá nandihí já nasahan Jesús xihín na xíca tuun xihín á ñuu válí ndácaan Cesarea cuéntá Filipino. Nani xíca na cuahan na íchí nandaca tuhún a na já cáchí a já xihín ná:

—Ndá da cáchí ñayivi cúú yehe —ñacachi a.

28 Já ñacachi na cán já:

—Java na cáchí na ña cúú ndó Juan, da ñacaja ndúta ñayivi. Ta java na cáchí na ña cúú ndó profeta Elías. Ta java na cáchí na ña cúú ndó in táhan profeta nasanduu sanahá —ñacachi na.

29 Anda já nandaca tuhún tucu Jesús na já cáchí a já xihín ná:

—Ta ndóhó ri, ndá da cáchí ndo cúú u —ñacachi a.

Anda já ñacachi Pedro já xihín á:

—Mé ndó cúu Cristo, mé a nāchindahá Ndióxi cacomí cuéntá sahá ñayivi —nācachi da.  
30 Anda já nāsahnda Jesús chuun nu ná ña ná a cáxi tūhun na ña yóho nuú ni in ñayivi.

### **Cáxi tūhun Jesús ña quivi a**

(Mt. 16:21-28; Lc. 9:22-27)

31 Anda já nācasáhá jánaha Jesús nu ná ña tandaa quiví ndoho ndivaha ini mé á, da nāchindahá Ndióxi nduu ñayivi. Ta na sacuahā veñuhu xihín na sacuahā nuú jutu xihín na jánaha ley Moisés candají na mé á janda quiahva ná cahní ñahá na. Joo tá ná xinu uní quiví nditacu tucu a. 32 Cáxi ndivaha nācahan Jesús ña yóho xihín ná ta chí anda já nātavá xóo Pedro Jesús já nācasáhá jánani da a sahá ña nācachi a xihín ná. 33 Joo nācava Jesús ta nādicoto nihni a nuú na xica tuun xihín á já nācasáhá ndícuēhe a xihín Pedro já cáhí a já xihín dá:

—Cuáhán quee Satanás, rí cúu tiñáhá sacuahā. Co fin xíní túnun tá quiahva fin xíní túní Ndióxi jáchi cáhvi inún tá quiahva cáhvi ini ñayivi ñuyiví yóho —nācachi a.

34 Anda já nācana Jesús na xica tuun xihín á xihín java ga ñayivi já nācachi a já xihín ná:  
—Ndá na cúní candico yehe ndítahan nu ná ndihi chága ini na sahá yehe a juú ga saha mé ná. Ta ndítahan coo tiahva na ndoho ini na sahá yehe. Ta coo caja toho a ná quivi na sahá i. 35 Jáchi ndá na cátóo coo chága ñuyiví yóho ndihi saha ná. Joo ndá na sahan ndeé ini quivi sahá i xihín sahá tūhun Ndióxi, ñehe táhvi ná catacu na anda ama cáa quiví. 36 Vatí ná quee vaha in na ñuyiví yóho ta cómí na tóco ndihi ñaha ñuyiví joo ndá chuun quéa tá nu ndíhí ndihi saha ná indayá. 37 Jáchi ni in ñaha a cuú chahvi in na saha ínimā ná ná a cūhun na indayá. 38 Candehé ndo. Mé tiempo viti cája ñayivi cuahā cuachi ta co xéen na caja na ña sáhdá Ndióxi nu ná. Ta ndá na cácahan nuú sahá i xihín sahá tūhun vaha cáhan i quiahva já cacahan ri nuú yehe, da nāchindahá Ndióxi nduu ñayivi sahá na cán tá ná quixi i cacomí i cuéntá sahá ñayivi. Mé tiempo cán naha ndaja cáhnu cúu yehe jáchi quixi i xihín ndée Ndióxi ta xihín ndée táto yii mé á viti —nācachi Jesús.

9

1 Ta nācachi tucu Jesús já xihín ná:

—Mé a ndaa ná cahan i xihín ndo. Java na ndúu yóho a quiví toho na janda quiahva ná xinu quiví cuni na cacomí Ndióxi cuéntá sahá ñayivi xihín ndée mé á —nācachi a.

### **Tá nāndijama Jesús quiahva cáa**

(Mt. 17:1-13; Lc. 9:28-36)

2 Tá nayaha inu quiví já nādaa Jesús in yucú jícó ta ndáca táhan Pedro xihín Jacobo xihín Juan cuahan na xihín á. Ta nu táhyí mé na cán nāndijama quiahva cáa. 3 Ta a juú quiahva nāndiyēhe jáhma ndíxi a chí nāndiyaa cachi ña. Ni in ñayivi ñuyiví yóho a cuú ndicata yaa nahá jáhma tá quiahva yaa nānduu jáhma á. 4 Anda já na xica tuun xihín Jesús naxini na Elías xihín Moisés ndúu na ndítuhún na xihín á. 5 Ta já nācachi Pedro já xihín Jesús:

—Maestro, vaha cúu ndúu nde yóho jáchi já cuu cavaha nde uní vehe tiyahvá válí. In a coo mé ndó ta inga coo Moisés ta inga coo Elías —nācachi da.

6 Nayihví ndivaha na xica tuun xihín Jesús sahá ña cán quéa co xíní mé Pedro ndía cáa cáhan va da. 7 Anda já nānuu in vico jata ná já najáhahvi a na ta tañu vico cán naxini johó na ña cáhan in a já cáhí a já:

—Da yóho cúu jahyi maní i. Cuni johó ndó nu cáhan da.

8 Ta tá nādicoto nihni na sa coo ga na naxini na ta jandá in tūhún Jesús naxini na.

9 Tá sa cuahan nuu na jiní yúcu cán já nāsahnda Jesús chuun nu ná ña ná a cáxi tūhun na nuú ñayivi

ñā naxini na andā quiahva ná xinu quivi nditacu tucu mé a nachindahá Ndióxi nduu ñayivi. 10 Sahá ña cán queá nachijehé tuhun na sahá joo nanditúhún xihin táhan na ndíá cúní cachi Jesús tá nacachi a ña nditacu tucu a. 11 Andā já nacasáhá ndáca tuhún nā mé á já cáhí nā já xihin á:

—Ndávaha cáhí nā jánaha ley Moisés ña ndítahan quixi jihna ñúhú profeta Elías —nacachi na.

12 Já nacachi Jesús já xihin ná:

—Mé a ndaa jihna ñúhú quixi Elías ta ndaja vaha ndihi da ñaha. Á co xini ndó ndá quiahva cáhí tuhun Ndióxi sahá da chindahá Ndióxi nduu ñayivi. Cáhí a ña ndoho ini da ta candají nā da. 13 Joo cáxi tuhun i nu ndó ña sa naquixi va Elías ta nacaja na tá quiahva cúní mé va na xihin dá ta tá quiahva cáhí tuhun Ndióxi ndoho da quiahva já nandoho da —nacachi Jesús.

### **Tá nandaja vaha Jesús in tãa loho ndácaan ínimã quini ini**

(Mt. 17:14-21; Lc. 9:37-43)

14 Tá nandihí já nandicó coo Jesús xihin nā cán nu ndúu java ga nā xíca tuun xihin á cán. Já naxini na cuahá ndivaha ñayivi nacava nuu na nā cán. Jári ñúhu java nā jánaha ley Moisés cáni táhan yúhu ná xihin nā xíca tuun xihin Jesús. 15 Tá naxini ñayivi yóho Jesús chí nãcatóntó ndihi na já nandava nihni na nasahan nā cáhan Ndióxi ná xihin á. 16 Andā já nandaca tuhún Jesús nā já cáhí a já xihin ná:

—Ndá saha ndítúhún ndó xihin nā jan —nacachi a.

17 In da cándichi cán nanducú ñehe da tuhun nu Jesús já cáhí da já:

—Maestro, yóho ñehe e jahyí i nacasaã i nu ndó jáchi ndácaan in ínimã quini ini da ta nandaja níhi ñahá ri. 18 Ndá nacuu tíin rí da, jándacava rí da nu ñúhu ta já cásáhá cána cuyu chiquiñu yúhu dá ta cáhí nā nu dá. Xihin ña yóho cásáhá jácuítá rí da. Ta sa naxica i ñamaní nuú nā xíca tuun xihin ndó ña ná tavá nā mé ínimã quini yóho joo coo nacuu caja na ña —nacachi da.

19 Já nacachi Jesús já xihin ná:

—Ndáhví nahá nacuu ndó jáchi sa cuahá ndivaha quivi iin i xihin ndo ta a ñáha candeé ini ndó yehe. Ta chí co ndeé ga ini i xihin ña cája ndó. Taxi ndó da loho jan chóho —nacachi a.

20 Chí ñehe na da loho cán nasaa nā nu Jesús. Ta tá naxini mé rí quini ndácaan ini da loho Jesús ivi laá nacaja rí ña ná quivi yihí da loho cán já tívi núu da nandicava da nu ñúhu xihin chiquiñu cána yúhu dá. 21 Andā já nandaca tuhún Jesús tátá da cán já cáhí a já xihin dá:

—Á sanahá ndóho jahyún ña yóho —nacachi a.

Já nacachi tátá da cán já:

—Jandá tá loho da cája rí já xihin dá. 22 Ta cuahá tañu chícaan rí quini da ini yávi núhu xihin ini ticuifí viti ña cahní ñahá ri cúní ri. Ña cán queá xíca tahví i nu ndó ña ná candáhví loho ini ndó ndehe ta chindeé ndó ndehe tá ta cuu caja ndó ña —nacachi da.

23 Andā já cáhí Jesús já xihin dá:

—Cuu caja i ña tá cándúsún yehe. Jáchi cuu caja i tóco ndihi ñaha xihin ñayivi tá candeé ini na yehe —nacachi a.

24 Ivi laá nacayuhú tátá mé da loho cán já cáhí da já:

—Cándúsa vi joo chindeé ndó yehe ná candúsa chága i —nacachi da.

25 Ta tá naxini Jesús ña nacasáhá chútú cuahá ñayivi já nandicuehe mé á xihin mé rí quini cán já cáhí a já xihin ri:

—Ínimã quini, rí nandaja níhi ta nandaja jóho da loho yóho, sáhná i chuun nuun ña ná queún cuhun ta a ndicó coo gaún ndihvún ini da —nacachi a.

26 Andā já nacayuhú cóho rí quini cán já nasahní yihí tucu rí da. Chí naqueta rí cuahan rí ta najándacoo rí da loho cán tátuhun in ndji sahá ña cán queá nacasáhá cáhí ñayivi ña sa naxihi va da jan. 27 Joo natiin Jesús ndáha dá já nandínehe a da. Ta já nandaca ndichi da cán.

28 Ta tá nandihvi Jesús ini in vehe xihin nā xíca tuun xihin á já nandaca tuhún jehé nā mé á já cáhí

na já xihin á:

—Ndávaha coó nacu caja ndehe tavá nde ínima quini nasandacaan ini da loho jan —nacachi na.

29 Já nacachi Jesús já xihin ná:

—Tá cúní ndó tavá ndo tá ínima quini táhan rí yóho ndítahan cajuhun ndó ta caca tahví ndo nu Ndióxi

—nacachi a.

### **Cáxi tuhun tucu Jesús ndaja coo nuú quivi a**

(Mt. 17:22-23; Lc. 9:43-45)

30 Tá naquee na cuahan na nayaha na chí estado Galilea ta co cúní Jesús ña ná candaa ini ñayivi 31 jáchi jáhana Jesús nuú na xica tuun xihin á cúní a. Ta cáchi a xihin ná ña vaxi quivi ndiquiahva ñayivi mé á, da nachindahá Ndióxi nduu ñayivi ndahá ñayivi ta cahni ñahá na joo tá ná yaha uni quivi nditacu tucu a. 32 Joo coó nacandaa ini na ña cahan xihin ná ta yíhví na ndaca tuhún na mé á sahá tuhun cahan.

### **Ndicani Jesús ndá na cúu na íin chága saha**

(Mt. 18:1-5; Lc. 9:46-48)

33 Ta ndaja coo naxinu na ñuu Capernaum ta tá sa ndúu na vehe já nacasáhá ndaca tuhún Jesús na xica tuun xihin á já cáchi a já xihin ná:

—Ndíá ndítuhún ndó saha tá vaxi ndó íchi —nacachi a.

34 Joo coó nanducú ñehe na cán tuhun nu á jáchi íchi nuú naquixi na nandítuhún cuaha ná saha ndá da cúu da cáhnu chága tañu mé ná. 35 Anda já nasaco Jesús já nacana ndíhuxu ivi da xica tuun xihin á já nacasáhá cáchi a já xihin dá:

—Ndá ndó, na cúní cacuu na nu cuítí ndítahan ndaja núu ndó mé ndó cacuu ndó na nu ndíhí ta caja ndíví ndo nu ndíhi na —nacachi a.

36 Tá nandíhi já nacana Jesús in da loho já nasacu a da mahnú nu ndúu na já nasanehe ndaa da já nacasáhá cáchi a já:

37 —Ndá na ná ndiquehe vaha in da loho tátuhun da yóho sahá ña quíhví ini na yehe, ndiquehe ri na yehe viti. Ta ndá na ndiquehe yehe, a juú in túhún yehe ndiquehe na vaha jáchi ndiquehe ri na tátá i, mé a nachindahá yehe —nacachi a.

### **Tá ndúu java na ndiquehe saha yo já queá cuahan na xoo í**

(Mt. 10:42; Lc. 9:49-50)

38 Anda já nacachi Juan já:

—Maestro, naxini nde in dataa ta cahan da quivi mé ndó já tává da ínima quini ñúhu ini ñayivi. Joo co xica nuu da xihín yo sahá ña cán queá nasaji nuu nde nu dá caja da ña —nacachi da.

39 Joo nacachi Jesús já:

—A cájí nuu ndó nu dá jáchi tá cája in na ña xituhún xihín quivi i já queá a cuú caca nuu na cahan núu na sahá i. 40 Jáchi ndá na co ndíndita caja xíxi xoho, mé na cán cuahan na xoo mí. 41 Ta ndá na ná quiahva in ñaha nu ndó vatí in yáxi ticuí sahá ña ndíco ndó yehe mé a ndaa ná cahan i xihín ndo ña chahvi tá chahvi Ndióxi sahá ñamaní cája na xihín ndó —nacachi Jesús.

### **Tá jándacava ñayivi inga na nuú cuachi**

(Mt. 18:6-9; Lc. 17:1-2)

42 Ta cáchí tucu Jesús já:

—Ndá nã ná jándacava in nã ndáhví, nã cándeé ini yehe nuú cuachi janda vaha chága ná candico in yuú yojó jico ná ta ná ndihi sahá nã cahá tañuhú. 43 Tá ndáha ndo queá jándacava ndohó nuú cuachi chitúhun ndó a jáchi vaha chága ná cuhun ndó indivi xihín in túhún ndáha ndo a juú ga cuhun ndó xihín ndíví ndáha ndo indayá nuú co ndáhva ñúhu cáyi. 44 Ta cán ni ticujú co xihí ni ñúhu cáyi co ndáhva. 45 Tá saha ndo queá jándacava ndohó nuú cuachi chitúhun ri ndó ña jan va jáchi vaha chága ná cuhun réncó ndó indivi xihín in túhún saha ndo a juú ga cuhun ndó xihín ndíví saha ndo indayá nuú co ndáhva ñúhu cáyi. 46 Ta cán ni ticujú co xihí ta ni ñúhu cáyi co ndáhva. 47 Tá nduchú núú ndó queá jándacava ndohó nuú cuachi tavá ndó ña jáchi vaha chága ná coo cóho nuú ndó cuhun ndó nuú cacomí Ndióxi cuéntá saha ndo a juú ga ña ná coo ndíví nduchú núú ndo cuhun ndó indayá. 48 Ta cán ni co xihí ticujú ta ni ñúhu cáyi co ndáhva.

49 "Tá quiahva ndíví jiyhún cuáan cája ñúhu cáyi quiahva já ndíví ínimã ñayivi xihín ña ndóho ini na. Ta tóco ndihi ñaha jóco nã nu Ndióxi chícaan nã ñii yívi na já co tívi a. 50 Vaha va cája ñii jáchi xihín ñii ndíhaji ña xixi na joo tá co óhva ña já a cuú caja óhva tucu yó a já ná caja chúun tucú ña. Ndítahan nu ndóho caja ndó tátuhun cája ñii ta já canduu ví xihín táhan ndó —cáchi Jesús.

10

### **Jánaha Jesús nuú nã sa ñatandaha ña co ndítahan jándacoo táhan na**

(Mt. 19:1-12; Lc. 16:18)

1 Naquee Jesús ñuu Capernaum cuahan. Já ñasahan estado Judea xihín ñundáhyi fin inga xoo yuta Jordán. Cán ñacasáhá ñanditaca tucu ñayivi nu á chí jánaha tucu a nã tá quiahva ñacaan mé á cája. 2 Anda já ñacayati java nã fariseo nu Jesús sahá ña coto ndojó ñahá nã cúní nã. Ñacachi na já xihín á:

—Á núná nuú in dataa jándacoo da ñájíhí da —ñacachi na.

3 Já ñanducú ñehe Jesús tuhun nu ná já cáchí a já xihín ná:

—Ndaja cáchí ley Moisés ña ndítahan caja ndó —ñacachi a.

4 Anda já ñacachi nã cán já:

—Tá ná quiahva in dataa in tutu nu ñájíhí da sahá ña cúní da jándacoo da ña já queá sahan ley Moisés ñamaní jándacoo da ña —ñacachi na.

5 Anda já ñacachi Jesús já xihín ná:

—Sahan ley Moisés ñamaní yóho nu ndo jáchi táhyi ndivaha ínimã ndo. 6 Joo janda mé saha tá ñacavaha Ndióxi ñayivi nu cuítí já ñacavaha in túhún taa xihín in túhún ñáha. 7 Sahá ña cán queá ndítahan nuú dataa jándacoo da tátá da xihín náná da já ndique táhan da xihín ñájíhí da. 8 Já xinu ndíví nã cán cacuu na tátuhun in víxí yiquí cuñu na sahá ña cán queá co cúu ga nã iví yiquí cuñu sahá ña ñandu na tátuhun in túhún yiquí cuñu. 9 Sahá ña cán queá co ndítahan nuú nã cán janí táhan na ña ñajácatáhan Ndióxi tá ñatandaha ná —ñacachi Jesús xihín ná.

10 Ta tá ñandicó coo tucu na vehe já ñacasáhá tucu nã xica tuun xihín á cán ndáca tuhún nã Jesús sahá ña ñacahan. 11 Ta ñanducú ñehe Jesús tuhun nu ná já ñacachi a já:

—Tá ná jándacoo in dataa ñájíhí da ta tándaha dá xihín inga ñáñáha já queá cája da cuachi nu ñájíhí nuú da jáchi fin da xihín inga ñáha. 12 Ta tá ná jándacoo in ñáñáha yí ña ta tándaha ñá xihín inga da cája ri ñá cán va cuachi nu yí ña jáchi fin ñá xihín inga dataa —ñacachi Jesús.

### **Cája yíi Jesús nã valí**

(Mt. 19:13-15; Lc. 18:15-17)

13 Anda já ñehe na java nã valí ñacasaa nã nu Jesús ña ná caní ndaa ndáha á nã. Joo mé nã xica tuun xihín á cán ñacasáhá nã cája cuehe nã xihín mé nã ndáca nã valí cán. 14 Tá ñaxini Jesús ña cája na já

nandicuēhe a já cáchí a já xihín na xíca tuun xihín á:

—Quiahva ndó ñamāni ná quixi na valí nuú i ta a cájí nuu ndó nu ná jáchí cacomí Ndióxi cuéntá sahá ñayivi tá ná caja na tá quiahva cája na valí yóho. 15 Mé a ndaa ná caħan i xihín ndo ndá na co cúni ndiquiahva na mé ná ndáħa Ndióxi tátuhun cája na valí yóho já queá a cúu cacomí Ndióxi cuéntá saħa ná —ñacachi a.

16 Anda já ñacasáħa Jesús ñeħe ndaa na valí ta chínúu a ndáħa á jiní ná já cája yíi á na.

### Cáħan in da cuicá xihín Jesús

(Mt. 19:16-30; Lc. 18:18-30)

17 Tá cuahān tucu Jesús íchí já xínu in daħaa ñacasaa da ñasaxítí da nu á já cáchí da já xihín á:

—Maestro, mé ndó cúú ndó ĩa vaħa ña cán queá ndáca tuħún i ndohó ndía ndítahan caja i já ná ñeħe táħvi cuħun i indiví coo i anda ama cáa quiví —ñacachi da.

18 Já ñacachi Jesús já xihín dá:

—Ndá cuéntá queá cáchún xihín i ña cúú u da vaħa. Ni in túhún toho ñayivi co cúú ná na vaħa ñuyiví yóho. In túhún Ndióxi cuití va queá vaħa. 19 Sa xini vún ña sáħndá Ndióxi nuun cajún já cáchí a já: “Coto a cóun xihín ñájíħí á yíi ñani táhún. Coto a cáhnún ndii. Coto a cája cuíhnún. Coto a cáhún ña tuħún saħá ñayivi. Coto a jándahvún ñayivi. Ta caja cáhnún tátún xihín nánún” —ñacachi Jesús xihín dá.

20 Já ñacachi da cán já:

—Maestro, janda tá ñasacuu u ĩa loħo ñacasáħa i cája i tóco ndihi ña sáħndá Ndióxi caja i —ñacachi da.

21 Ñasandehé Jesús nu dá ta táħnda ini a saħa dá já ñacachi a já xihín dá:

—Inga ñaha cámani cajún: Cuáhán jicún tóco ndihi ñahún ĩan ta ndacahndún jiuħún ĩan nuú na ndahví já ñeħe táħvun coo cuahá ñahún indiví. Ta tá nandihí já quisún candicún yeħe —ñacachi Jesús.

22 Joo tá ñaxini joho da cuicá cán ña ñacachi Jesús ivi laá ñacavitá ini da já ñaquee cuéħa dá cuahān da jáchí ĩin cuahá ndivaha ñaha da.

23 Anda já ñacasáħa sándeħé Jesús nuú na xíca tuun xihín a cán já ñacachi a já:

—Ndaja yáncá ndivaha cáa já ndiquiahva na cuicá mé ná ndáħa Ndióxi ña ná cacomí a cuéntá saħa ná —ñacachi a.

24 Chí ñacatóntó mé na xíca tuun xihín á cán saħá tuħun ñacahān joo nandicahān tucu Jesús já cáchí a já:

—Jahyi a, ndaja yáncá cáa saħá in na cándeé ini jiuħún ndiquiahva na mé ná ndáħa Ndióxi ña ná cacomí a cuéntá saħa ná. 25 Jáchí janda cama chága cuu vaħa in camello ini in yávi saħa yítucú a juú ga ña ná ndiquiahva in da cuicá mé dá ndáħa Ndióxi ña ná cacomí a cuéntá saħa dá —ñacachi Jesús.

26 Anda já ñacatóntó ndihi mé na xíca tuun xihín á cán tá ñaxini joho na ña yóho. Já ñacasáħa ndáca tuħún táhan na já cáchí na já:

—Ndá na cúú na cuu cacu ndaa ínima, dá já —ñacachi na.

27 Nandicoto nihni Jesús nu ná já cáchí a já xihín ná:

—Ni in na a cúu caja ña yóho joo Ndióxi queá cuu caja ña jáchí ni in ñaha co ĩhví toho nu Ndióxi —ñacachi a.

28 Anda já ñacachi Pedro já xihín Jesús:

—Joo ndeħe najándacoo ndihi nde ña ñasacomí nde ta ndíco nde ndohó —ñacachi da.

29 Já nanducú ñeħe Jesús tuħun nu ná já cáchí a já:

—Mé a ndaa ná caħan i xihín ndo ña ndá na jándacoo veħe na á ñani na á quiahva na á tátá na á náná na á ñájíħí na á jahyi na á ñundáhyi ná saħá yeħe xihín saħá tuħun cáħan i, 30 na cán cúú na ñeħe cuahā chága ví ñaha ñuyiví yóho jatá ña najándacoo na tátuhun veħe na, ñani na, quiahva na, náná na,

jahyi na, ñundáhyi ná viti vatí ná ndicuíta ñayivi caja xíxi na xihín ná. Joo ñehe táhví ná catacu na andá ama cáa quívi xihín Ndióxi. 31 Ta ndúu cuahá na ín sahá ñuyíví yóho viti joo vaxi quívi cacuu na na coó saha nu Ndióxi. Ta ndúu cuahá na coó saha ñuyíví yóho viti joo vaxi quívi cacuu na na ín saha nu Ndióxi —nacachi a.

### **Cáxi tuhun tucu Jesús ña quivi a**

(Mt. 20:17-19; Lc. 18:31-34)

32 Ta ndaja coo cuahan Jesús xihín na xíca tuun xihín á chí íchí ndáa cuahan chí Jerusalén. Cánuu Jesús cuahan xihín ná. Ta nacatóntó na cán ta yíhví na cuahan na xihín á. Andá já natavá xóo tucu a ndíhuxu ivi na xíca tuun xihín á já nacasáhá cahan xihín ná ña ndoho a chága chí nuu. 33 Já nacachi a já:

—Candehé ndo. Yóho ndáa í cuahan yo chí Jerusalén nuú ndiquiahva na yehe, da nachindahá Ndióxi nduu ñayivi ndahá na sacuahá nuú jutú xihín nuú na jánaha ley Moisés. Na yóho cúu na cacu ini sahá ndaja quivi i. Andá já ndiquiahva na yehe ndahá na tóho. 34 Cuacu ndaa na yehe ta caní na yehe ta cuihna na tójíi na nuú i ta já cahní na yehe. Joo tá ná yaha uní quívi nditacu tucu u —nacachi Jesús xihín ná.

### **Tá naxíca Jacobo xihín Juan ñamaní nu Jesús**

(Mt. 20:20-28)

35 Andá já nacayati Jacobo xihín Juan, jahyi Zebedeo nu Jesús já nacachi da já xihín á:

—Maestro, cúni nde caca nde in ñamaní nu ndo —nacachi da.

36 Já nacachi Jesús já xihín dá:

—Ndía maní cúni ndó caja i xihín ndo —nacachi a.

37 Já nacachi da cán já xihín á:

—Ña xíca nde nu ndo queá ná quiahva ndó ñamaní nuú nde cacoo in in nde xoo jíin ndo. In nde coo xoo cuáha ta in nde coo xoo íti jíin mé ndó indivi nuú coo ndó cacomí ndó cuéntá sahá ñayivi —nacachi da.

38 Andá já nacachi Jesús já xihín dá:

—Co cándaá ini ndó ña xíca ndó nuú i. Á cuu ndoho ini ndó tá quiahva ndítahan nuú i ndoho ini i. Jáchi ña vaxi nuú i ndoho ini i cúu á tátuhun coho i in yáxi ndutá ova. Á ín tiáha ndó ndoho ini ndó tá quiahva nditahan nuú i ndoho ini i andá quiahva ná quivi i —nacachi a.

39 Já nacachi da cán já:

—Cuu caja nde ña.

Já nacachi Jesús já xihín dá:

—Mé a ndaa tandaa quívi coho ndó ña ova ñúhu ini yáxi, mé ña coho i. Ta tandaa quívi ndoho ndivaha ini ndó tá quiahva ndoho ini i andá quiahva ná quivi i. 40 Joo sahá ña cacoo in ndó xoo cuáha i ta in ndó xoo íti i a juú nuú i quiahva i ña nu ndo. Jáchi sa nandicaxi Ndióxi na ñehe táhví cacoo cán —nacachi Jesús xihín dá.

41 Tá naxini johu uxu chága na xíca tuun xihín Jesús cán ña yóho já nacasáhá xójo ini na xihín Jacobo xihín Juan viti. 42 Joo nacana Jesús na já nacachi a já xihín ná:

—Sa xíni ndó ndaja cája na sáhná chuun nuú ñayivi ndúu ñuyíví yóho. Ña cája na queá jácandíhi na ñayivi ta cája na tá quiahva cúni mé ná. 43 Joo co ndítahan coo ña cán tañu mé ndó jáchi ndá da cúni cacuu da cáhnu chága tañu ndó xíni ñúhú cacuu da in da cája ndíví nuú ndihi ndó. 44 Ta ndá da cúni cacuu ta nu cuítí tañu ndóhó ndítahan cacuu da da cája ndíví nu ndihi ndó. 45 Jáchi ni yehe, da nachindahá Ndióxi nduu ñayivi coó naquixi i ñuyíví yóho ña ná caja ndíví ñayivi nuú i. Ña naquixi i

caja i quéa caja ndívi i nu ná ta ndiquiahva i mí i quivi i já ná cuu çacu ndaa ínima cuahá ñayivi ná a cùhun na indayá —ñacachi a.

### Tá nandaja vaha Jesús in da cuáá naní Bartimeo

(Mt. 20:29-34; Lc. 18:35-43)

46 Anda já naxinu na ñuu Jericó. Ta tá sa naqueta tucu Jesús cuahan jatá ñuu cán xihín na xíca tuun xihín á xihín cuahá ga ñayivi ta mé yuhú íchi cán iin coo in da cuáá naní Bartimeo, jahyi Timeo sáti da.

47 Ta tá naxini johó da ña cáyati Jesús, da ñuu Nazaret vaxi da já ñacasáhá mé da cuáá cán cáyuhú cóhó da já cáchi da já:

—Jesús, da naquixi chichi David caja ndó ñamaní candáhví loho ini ndó yehe —ñacachi da.

48 Joo ñacasáhá cuahá ñayivi cája cuhehe na xihín dá ña ná caji da yúhu dá. Joo ví ga ví cáyuhú da já cáchi da já:

—Ndóhó, da naquixi chichi David caja ndó ñamaní candáhví loho ini ndó yehe —ñacachi da.

49 Anda já nandaca ndichi Jesús já ñacachi a já:

—Cana ndó da ná quixi da.

Já ñacana na da cuáá cán já cáchi na já xihín dá:

—A ndícani inún. Candichi jáchi cána Jesús yohó —ñacachi na.

50 Anda já najácana da cotó ndeé da ta nandaca ndichi da já ñasaa da nu iin Jesús. 51 Anda já nandaca tühún Jesús da já cáchi a já xihín dá:

—Ndífa cúnun ná caja i xuhun.

Já ñacachi mé da cuáá cán já:

—Candehé e cúní, xitoho.

52 Já ñacachi Jesús já xihín dá:

—Cuu nuhu vún viti. Sa nandivahún jáchi ñacandee inún yehe —ñacachi a.

Chí ivi laá nandaca ndehé da cuáá cán. Já nandico da Jesús íchi cán cuahan da.

11

### Ndíhvi Jesús ñuu Jerusalén

(Mt. 21:1-11; Lc. 19:28-40; Jn. 12:12-19)

1 Tá naxinu na yati ñuu Jerusalén jín ñuu Betfagé xihín ñuu Betania ña ndíque táhan nuu xihín yúcu yitó Olivo já ñasahnda Jesús chuun nuú ivi da xíca tuun xihín á. 2 Já cáchi a já xihín dá:

—Cuáhán ndó ñuu loho ndácaan yati jan. Tá ná xinu çoo ndó jan ndiñehe ndó in búrró ndíco ndaa, rí cámaní yíi ndaa na. Ndaxí ndó rí ta cañehe ndó rí quixi ndó. 3 Ta ndá na ná ndaca tühún ndohó saha rí já quéa cachi ndó xihín ná ña xíní ñúhú xitoho ndó rí viti joo tá ná ndihi chuun rí já ndixi tucu rí, já cachi ndó xihín ná —ñacachi Jesús xihín da.

4 Ta ñaquee da cán cuahan da já nandiñehe dá mé búrró cán ndíco ndaa rí jín yéhe yuhú íchi já nandaxi da rí.

5 Ta ndaja coo java na ndúu cán ñacasáhá cáchi na já:

—Ndífa cája ndó. Ndávaha ndaxí ndó búrró janá nde jan —ñacachi na.

6 Anda já nanducú ñehe mé da xíca tuun xihín Jesús cán tühun nu ná ta ñacachi da tá quiahva ñacachi Jesús xihín dá. Anda já nañehe dá ñamaní cañehe da rí cùhun da. 7 Tá nandihí já ñehe da búrró cán ñacasaa da nu Jesús já ñachojó da cotó ndeé da jata rí já nandaa Jesús jata rí. 8 Ta cuahá ñayivi ñacasáhá na chínduu na cotó ndeé na íchi ta java na ñacasáhá na sáhdá na ndáha yító já chínduu na do íchi. 9 Ta na cuahan chí nuu ta jári na vaxi chí jata ñacasáhá na cáyuhú na já cáchi na já:

—Cája cáhnu í Ndióxi. Ndicáhnu nahá ná cacuu da cómi cuéntá saha yo jáchi cúu dá da vaxi yuhú nuu

Ndióxi. 10 Cáhnu ná coo quívi tá casáhá Ndióxi cacomí a cuéntá saha yo. Tá quiahva nasacomí David, tátá yo cuéntá sahá ñayivi sanahá quiahva já cacomí mé á cuéntá saha yo. Cáhnu ná cacuu Ndióxi — cáchi ñayivi.

11 Anda já nandihvi Jesús ñuu Jerusalén ta já naxinu a veñuhu cáhnu cán. Ta tá nandihvi nasandehé ndihvi a níi xoo cán já naquee a cuahan chí ñuu Betania xihin ndihuxu ivi na xíca tuun xihin á jáchi sa nahini ta cuahan cuáá va.

### **Tá natchicaan Jesús cháhan jata titó ñuhú**

(Mt. 21:18-19)

12 Tá naquee na Betania inga quívi itaan já nacasáhá cuíco Jesús cuahan. 13 Tá naxini xíca a in titó ñuhú vaha dó ndoco ndáha. Nasahan Jesús sándehe a á íin cuihi nu do joo co rí ná ñehe a. Ndáha uun va dó cán íin jáchi a juú tiempo coo rí cán queá. 14 Anda já nacaahan Jesús xihin titó ñuhú cán já cáchi a já xihin do:

—Ni in ga na a cáxi ga cuihi nu yóhó —cáchi a xihin do.

Ta naxini joho na xíca tuun xihin á cán tuhun yóho.

### **Tá naxaxí Jesús na ndúu jícó ñaha yéhe veñuhu**

(Mt. 21:12-17; Lc. 19:45-48; Jn. 2:13-22)

15 Tá nandihvi já naxinu na Jerusalén. Ta tá nandihvi Jesús veñuhu cáhnu cán já nacasáhá táxi a na ndúu jícó cán xihin na ndúu xéen viti. Ta naxicó ñehe a mesa na ndúu ndíjama jihún ñayivi ta naxicó ñehe a táyi sácoo na ndúu jícó ndíjata. 16 Ta chí coo nasahan ñamaní nuú ñayivi cañehe na ñaha ndihvi na veñuhu. 17 Anda já nacasáhá jánaha nu ná já cáchi a já xihin ná:

—Já cáchi tuhun Ndióxi: “Vehe mí i cacuu a vehe nuú quixi na caça tahví na nuú i saha tóco ndihvi ñayivi ñuyívi”, cáchi tuhun Ndióxi. Joo ndóhó nandai cuu ndó yóho caja cuíhna ndo nuú ñayivi — nacachi Jesús xihin ná.

18 Tá mé na sacuaaha nuú jutú cán xihin na jánaha ley Moisés naxini joho na ña yóho já nacasáhá na ndúcú na ndá quiahva cahni na a jáchi yíhvi ñahá na sahá ña cátóntó ndihvi ñayivi xihin na jánaha mé á nu ná. 19 Joo tá nacuaá já naquee Jesús ñuu cuahan xihin na xíca tuun xihin á.

### **Tá nahichi titó ñuhú, dó coo cuihi nuu**

(Mt. 21:20-22)

20 Ta naha chá inga quívi itaan nayaha na nu cándichi mé titó ñuhú cán já naxini na ña nahichi do janda yóho do nahichi. 21 Anda já nandicuhun ini Pedro saha mé titó ñuhú já cáchi da já xihin Jesús: —Maestro, candehe ndó titó ñuhú, dó nacaahan cuehe ndó xihin. Sa nahichi dó viti —nacachi da.

22 Já nacachi Jesús já xihin dá:

—Candé ini ndó Ndióxi. 23 Jáchi mé a ndaa ná cahan i xihin ndo ña tá ná cachi ndó xihin yucu yóho: “Caxoo ta cuáhán jáquetún mún ini tañuhú”, ta tá co cáhvi ivi joho ini ndó ta tá candúsa ndó coo tá íin cáchi ndó ta chí já ndusa coo. 24 Sahá ña cán queá cáchi i xihin ndo ña tóco ndihvi ñaha xíca tahví ndó nu Ndióxi ta tá candúsa ndó ña sa nañehe ndó a já queá ñehe ndusa ndó a. 25 Ta tá ndúu ndó xíca tahví ndo nu Ndióxi xini ñuhú caja cáhnu ini ndó saha ndá na xójo ini ndó xihin já ná caja cáhnu ri ini Ndióxi, tátá ndo ña íin indivi sahá cuachi ndó. 26 Joo tá co caja cáhnu ini ndó sahá ñayivi já queá ni Ndióxi, tátá ndo ña íin indivi a caja cáhnu ini a sahá cuachi ndó —nacachi a.

**Tá nandaca tühún na Jesús ña ndáchí quíxi ndée á ña cája cuahá nuú ñaha**

(Mt. 21:23-27; Lc. 20:1-8)

27 Anda já nandicó coo tucu na ñuu Jerusalén. Ta tá xíca Jesús chí veñuhu cáhnu cán já nacayati na sacuahá nuú jutú xihín na jánahá ley Moisés xihín na sacuahá veñuhu nu á. 28 Já nandaca tühún na Jesús já cáhí na já xihín á:

—Yo já sáhan ñamaní nuun cajún ña cajún yóho —nacachi na.

29 Já nacachi Jesús já xihín ná:

—Ná ndaca tühún ri yehe va ndohó ta tá ná nducú ñehe ndó tühun nuú i anda já caxi tühun i nu ndo yo já nasahan ñamaní nuú i caja i ña cája i yóho. 30 Cachi ndó xihín i yo já nachindahá Juan ña ná quixi da caja ndúta da ñayivi. Á Ndióxi nachindahá da, á ñayivi nachindahá ñahá. Nducú ñehe quíi ndó tühun nuú i viti —nacachi Jesús xihín ná.

31 Anda já nacasáhá ndítühún xihín táhan na cán já cáhí na já:

—Tá ná cáhí ña Ndióxi queá nachindahá Juan ta já nducú nehe Jesús tühun nu yo já cachi da xoho:

“Ndá cuéntá queá coo naxeen ndó candúsa ndó da, dá já”, cachi Jesús xoho. 32 Ta tá ná cáhí: “Ñayivi cúu na nachindahá Juan”, já ndicuíta ñayivi xihín yo —nacachi na ndítühún xihín táhan na.

Já cáhí na jáchí yíhví na ñayivi jáchí tóco ndihi ñayivi nacahán na saha Juan ña cúu dá da nachindahá Ndióxi jáyaha da tühun cáhan mé á nuú ñayivi. 33 Saha ña cán queá nacachi na já xihín Jesús:

—Co xini toho nde yo nachindahá Juan.

Anda já nacachi a já xihín ná:

—Ta ni yehe a caxi tühun i nu ndo yo já nasahan ndée nuú i caja i ña yóho —nacachi a.

12

**Sácú Jesús quiahva sahá java mozo, da nacaja quini xihín xitoho**

(Mt. 21:33-46; Lc. 20:9-19)

1 Anda já nacasáhá Jesús sácú a quiahva nuú ñayivi já nacachi a já xihín ná:

—Nasahin in dataa najándee cuahá dá tó uva nu ñúhu dá ta já nasacu da in corra yíto nu do. Ta nacavaha da in nuú cuhní mé uva cán ña cavaha vino. Ta nacavaha da in nu jícó canúu da já cuu candaa da tóco ndihi dó cán.

“Tá nandihí já nasahan ndojó da ñúhu dá nuú java na caja chúun na ña já naquee da cuahan xicá da. 2 Ta tá naxinu tiempo jáquee na já nachindahá da in mozo da nuú na cája chúun ñúhu da cán ña ná ndiquiahva na ña cáni nu dá ndiquehe da saha ñúhu da ña nasahan ndojó da nuú na cán. 3 Joo mé na cája chúun tóo ñúhu cán natin na mozo da cán já nacani na da. Tá nandihí já nducú ñehe na da nuú xitoho da joo coo ñaha ná sahan na nu dá. 4 Anda já nachindahá tucu mé da xihín ñaha ñúhu cán inga mozo. Joo da yóho nacaja xixi tucu na xihín dá jáchí nacani na da xihín yuu. Ta najándicuehe na jini dá já nacasáhá canahá na xihín dá. 5 Ta mé da xihín ñaha ñúhu cán nachindahá tucu da inga mozo da ta nasahní na da. Ta nachindahá cuahá ga da mozo da nasahan cán. Ta java da nacani na ta java da nasahní na.

6 ‘Nacandoo in tühún jahyi mé da xihín ñaha ñúhu cán ta quíhví ndivaha ini da jahyi da. Joo tá nu ndihí já nachindahá da jahyi da jáchí cáhán da: “Cája i cuéntá coo toní ñúhu na xihín jahyí i”, nacahán da. 7 Joo mé na cája chúun ñúhu cán nacasáhá ndítühún xihín táhan na já cáhí na já: “Candehé ndo. Yóho vaxi da cúu jahyi xitoho í. Ta tá ná xinu quiví quivi xitoho í ta da yóho cacuu da ndicojo chuun saha ñúhu yóho. Cóho cahní yó da já ná candoo ñúhu yóho ndáha mí”, nacachi xihín táhan na cán. 8 Anda já natin na da cán ta nasahní na da já najácana na yiquí cuúu da jata cútu cán —nacachi Jesús.

9 Anda já nandaca tühún Jesús ñayivi ndúu cán já cáhí a já:

—Á co xini ndó ndía caja da xihín ñaha ñúhu yóho viti. Ña caja da queá quixi da ta cahní ndihi da na cája chúun tóo nu ñúhu dá. Já ndiquiahva da ñúhu dá nuú java ga na já ná caja chúun na nu á.

10 'Á cō xini ndó ña cáchí tũhun Ndióxi. Ña cáchí a quéa:

Mé yuu ña najácana da cávaha vehe,  
ña cán cúu ña nanduu yuu ndúhu sahá vehe ña ín chága saha.

11 Ña yóho quéa ñacaja Ndióxi ta cúu á in ñaha cáhnu ndivaha nu yo, cáchí tũhun Ndióxi —ñacachi Jesús.

12 Anda já ñacasáhá ndúcu ña sacuaḥa tiin na Jesús chicaoan na a vecaa jáchi ñacandaa ini na ña saha mé ná ñasacu a quiaḥva yóho. Joo sahá ña yíhví ña ñayivi ñajándacoo na a ta ñaquee na cuahān ña.

### **Ndáca tũhún ña Jesús á ndítahan nu ná chahvi na jiuḥún cuéntá impuesto**

(Mt. 22:15-22; Lc. 20:20-26)

13 Tá nandihí já ñachindahá ña java ña fariseo xihín ña cúu cuéntá Herodes nu Jesús ña ná coto ndojó ñahá ña xihín tũhun cáhān mé á já ná chicaoan ña cuachi jatá. 14 Anda já ñaxinu ña nu Jesús já cáchí ña já xihín á:

—Maestro, xini nde ña ndinuhu ña ndaa cáhān mé ndó. Ta cō quéhe ndó cuéntá tá cáhān núu ñayivi saḥa ndo. Ta cándaa ini nde ña tá cáhān ndó sahá in ñaha cája ñayivi cúu á sahá ña sándehe ndó janda ínima ná. Ta cándaa ini nde ña jánaḥa ndó ña ndaa saḥa íchi cuéntá Ndióxi. Ta viti cuni nde ndaca tũhún nde ndohó á ndítahan nuú nde chahvi nde jiuḥún cuéntá impuesto nuú da cómi cuéntá saḥa yo ñuu Roma. Á chahvi nde ña, á a chahvi toho nde ña —ñacachi na.

15 Joo sa ñacandaa ini Jesús ña cō cúu ná tá quiaḥva ndaa na ña cán quéa ñacachi a já xihín ná:

—Cándaa cáxi táhyí ini i ña cuni ndó coto ndojó cuítí ndó yehe. Jánaḥa ndó in táhan jiuḥún jan nuú i ná candehé e ña —ñacachi a.

16 Já ñasahān ña mé jiuḥún cán nu á ta tá ñaxini a ña já ñacachi a já xihín ná:

—Yo ñahná ta yo quivi quéa ndaa nu á.

Já ñacachi ña cán já xihín á:

—Ñéhe a quivi xihín ñahná da cómi cuéntá saḥa yó ñuu Roma —ñacachi na xihín á.

17 Anda já ñacachi Jesús já xihín ná:

—Ndiquiaḥva ndó ñaha da cómi cuéntá saḥa ndó ñuu Roma jan nu dá. Ta ndiquiaḥva ndó nu Ndióxi ña cúu ñaha mé á —ñacachi a.

Chí ñacatóntó mé ña cán sahá ña ñacachi Jesús xihín ná.

### **Ndáca tũhún ña saduceo Jesús á mé a ndaa nditacu ndii**

(Mt. 22:23-33; Lc. 20:27-40)

18 Anda já ñasahān java ña saduceo cáhān ña xihín Jesús. Ta mé ña saduceo yóho cō cándusa na ña ndítacu tucu ña sa ñaxihí. Sahá ña cán quéa ñandaca tũhún ña Jesús já cáchí ña já xihín á:

19 —Maestro, nu ley ñacahyi Moisés sanahá ñatandā chuun ta cáchí a já: “Tá tándaha in dataa xihín ñájíhí da ta tá cōó jahyi ñá cacu xihín dá ta tá ná xinu quivi quivi da cán já quéa cáchí ley Moisés ña ndítahan tandaha tucu ñájíhí da xihín da cúu ñani mé ndii cán já ná coo jahyi da cán xihín yuhú nuú ñani da”, já cáchí ley Moisés. 20 Ta viti cuni joho ndó ná cacu nde in quiaḥva nu ndó. Ñasahān usa ñani ta da nu cuítí ñatandaha dá xihín in ñañaha. Tá nandihí ñaxihí da joo cōó jahyi da ná cacu xihín ñá cán. 21 Ta ñatandaha ñani da, da chí ivi xihín ñá cuān cán. Ta já ñaxihí ri da cán va ta ni da yóho cōó ñacacu jahyi xihín ñájíhí ñani. Ta quiaḥva já ñandoho ri ñani da, da chí uni. 22 Anda quiaḥva ñaxinu ndíhusa da ñatandaha xihín ña ta ni in da cōó ñacacu jahyi xihín ña. Tá nu ndíhí ñaxihí ri mé va ñá. 23 Ta viti ndáca tũhún nde ndohó ndá da cacuu ndusa yí ñá cán tá ná xinu quivi nditacu tucu ndii jáchi ndíhusa va ñani da cán ñatandaha xihín ñá —ñacachi na.

24 Anda já nanducú ñehe Jesús tũhun nũ ná já cáchí a já xihĩn ná:

—A váha toho cáhvi ini ndó jáchĩ co xĩnĩ ndó ndaja cáhan tũhun Ndióxi ta ni co xĩnĩ ndó ndá quiahva cáhnu cúu ndée Ndióxi. 25 Jáchĩ tá ná nditacu tucu ndii a tándaha ga na ta ni a quiahva na jahyi jíhĩ na tandaha ná. Cacuu na tátũhun táto Ndióxi ndúu indivi ta co tándaha na cán. 26 Joo sa xĩnĩ yo ña nditacu tucu ndii. Á a ñaha cahvi ndó ña naçahyí Moisés sahá ña naçahan Ndióxi xihĩn dá tañu tohĩnú, dó cándaha ñũhu cán. Já naçachi a já xihĩn dá: “Yehe cúu Ndióxi cája cáhnu Abraham ta yehe cúu Ndióxi cája cáhnu Isaac ta yehe cúu Ndióxi cája cáhnu Jacob”, naçachi a. 27 Ta ña yóho cúnĩ cachi a ña tácu yĩ va Abraham xihĩn Isaac xihĩn Jacob vatĩ sa naxihĩ yiquí cuñu na. Sahá ña cán quéa co xĩnĩ ndó ndá saha cáhan ndo —naçachi a.

### **Tá cáhan Jesús ndiá cúu ña cáhnu chága sáhndá Ndióxi caja í**

(Mt. 22:34-40)

28 Ta ndaja coo in da jánaħa ley Moisés naçayati da nũ Jesús jáchĩ sa naxini joho da ña naçahan Jesús xihĩn na ndúu cán. Sahá ña xĩnĩ da ña nanducú ñehe ndaa Jesús tũhun nũ na cán saha ña cán quéa nandaca tũhún da Jesús já cáchĩ da já xihĩn á:

—Ndiá cúu ña cáhnu chága sáhndá Ndióxi caja í —naçachi da.

29 Já naçachi Jesús já xihĩn dá:

—Ña cáhnu chága cúu ña cáchĩ tũhun Ndióxi yóho: “Taa joho ndó, na Israel. Ín in túhún jinĩ Ndióxi ta mé á cúu xitoho í. 30 Ta ndítahan quihvi ini ndó mé Ndióxi, xitoho ndó xihĩn tóco ndihi ínima ndo ta xihĩn ndinuhu ini ndó. Ta quihvi ini ndó a xihĩn tóco ndihi xínĩ túnĩ ndo ta xihĩn tóco ndihi ndée ndo.” Ña yóho cúu ña nũ cuítĩ sáhndá Ndióxi caja ndó. 31 Tá cúnĩ coo ña nũ cuítĩ já cúnĩ coo ri ña chí jvi va ta cáchĩ a: “Quihvi ini ndó ñani táhan ndó tá quiahva quihvi ini ndó mé ndó.” Coó ga inga ña sáhndá Ndióxi caja ndó cacuu ña cáhnu chága nuú ña yóho —naçachi a.

32 Anda já naçachi mé da jánaħa ley Moisés cán xihĩn Jesús:

—Vaha chá naçahan ndó, Maestro. Mé a ndaa quéa naçahan ndo ña ín in tálaá cuítĩ Ndióxi ta coó inga ga Ndióxi. 33 Ta ndítahan quihvi iní mé á xihĩn tóco ndihi ínima yo ta xihĩn ndinuhu iní ta xihĩn tóco ndihi xínĩ túnĩ yo ta xihĩn tóco ndihi ndée yo. Ta ndítahan quihvi iní ñani táhan í tá quiahva quihvi iní mí. Ndiyahvi chága ña yóho a juú ga tóco ndihi ñaha jóco na nũ Ndióxi ta ndiyahvi chága ña a juú ga ñaha chícaan ñũhu ná nũ náa —naçachi da.

34 Tá naxini Jesús ña nanducú ñehe vaha da cán tũhun nũ á já cáchĩ a já xihĩn dá:

—Jalóho cúnĩ ña cacomí Ndióxi cuéntá saħun —naçachi Jesús.

Tá nandihĩ cán ni in ga na coó naçahan ndeé ini na ndaca tũhún ga na mé á.

### **Ndáca tũhún na Jesús ndáchĩ naquixi a**

(Mt. 22:41-46; Lc. 20:41-44)

35 Ndácaan Jesús veñuhu cáhnu jánaħa nuú ñayivi já cáchĩ a já xihĩn ná:

—Ndávaha cáchĩ na jánaħa ley Moisés ña vaxi Cristo chichi David. 36 Ta sa mé David tá naçhutú ndaa ini da xihĩn ínima yĩ Ndióxi já naçachi da já:

Já naçachi Ndióxi xihĩn xitoho i:

“Cacoo xoo cuáha i yóho,

anda quiahva ná caja i ña ná cacomún cuéntá saħá na co cúnĩ yohó”, naçachi Ndióxi sanahá.

37 Ndávaha cáchĩ na ña vaxi Cristo chichi David joo mé tiempo cán naçachi David ña cúu á xitoho da —naçachi Jesús.

Ta cuaha ndivaha ñayivi cájii ínĩ na táa joho na nũ cáhan Jesús.

**Chícaan Jesús cuachi jatá na jánaha ley Moisés**

(Mt. 23:1-36; Lc. 11:37-54; 20:45-47)

38 Tá jánaha Jesús na já cáchí a já xihín ná:

—Cuéntá coo ndó xihín na jánaha ley Moisés jáchí cátoó na cándixi na jáhma nání caca nuu na. Ta cátoó na cahan toní ñúhú ndivaha ñayivi xihín ná tá xíca nuu na nuú yahvi. 39 Ta tá cuahan na veñuhu cátoó na cacoo na nu sácoo na íin chága saha. Ta tá cuahan na víco nuú vaha cátoó na coo na. Cuéntá coo ndó xihín na yóho. 40 Jáchí cándaa na vehe najihí cuáan ta tá nandihí cuahá ndivaha xíca tahví na nu Ndióxi jáchí cúní na jájahvi na nuú ña núu cája na. Mé a ndaa ná cahan i xihín ndo ña mé na jánaha ley Moisés yóho cacuu na na ndoho chága ini caja Ndióxi —cáchí Jesús.

**Ña najoco in ña cuáan ndáhví**

(Lc. 21:1-4)

41 In tañu íin coo Jesús ini veñuhu cáhnu cán yati nu íin sató nu táan na jiuhún jóco na nu Ndióxi. Ta sánehé a ndá quiahva táan ñayivi jiuhún ini mé sató cán. Ta naxini a cuahá ña cuicá xínu coo táan cuahá na jiuhún ini mé sató cán. 42 Ta mé já naxinu coo in ña cuáan ndáhví ta nataán ña ivi jiuhún ña núu yahvi ini mé sató cán. 43 Já nacana Jesús na xíca tuun xihín á ta já cáchí a já xihín ná:

—Mé a ndaa ná cahan i xihín ndo ña cuahá chága jiuhún nasahan ña cuáan ndáhví yóho a juú ga tóco ndihí java ga na cán. 44 Jáchí tóco ndihí na cán nasahan na ña yójó nu ná joo ña cuáan ndáhví yóho nasahan ña nu Ndióxi tóco ndihí ña cómí ña catacu ña —nacachi a xihín ná.

13

**Cáxi tuhun Jesús nu ná ña vaxi quivi ndihí sahá veñuhu cáhnu ñuu Jerusalén**

(Mt. 24:1-2; Lc. 21:5-6)

1 Tá naquee Jesús veñuhu cáhnu cán já nacachi in da xíca tuun xihín a cán já:

—Maestro, candehé ndó ndaja náhnu yuu nacavaha na veñuhu yóho ta ndaja jícó ndivaha nacavaha na ña —nacachi da.

2 Anda já nacachi Jesús já xihín dá:

—Mé a ndaa náhnu a joo ndá chuun cúu á jáchí ni janda in yuu yóho a cándoo jatá inga yuu jáchí vaxi quivi tá nditaní ndihí ña yóho —nacachi a.

**Ndícani Jesús ña coo tá ná cayati quivi ndihí saha ñuyiví**

(Mt. 24:3-28; Lc. 21:7-24; 17:22-24)

3 Anda já nasahan na cán yúcu yító Olivo, ña xító ndaa táhan xihín veñuhu cáhnu cán. Ta tá íin coo Jesús cán já naxinu Pedro xihín Jacobo xihín Juan xihín Andrés já nacahan jehé na xihín á já cáchí na já:

4 —Cúní nde ña ná caxi tuhun ndó xihín nde ndá ama coo tóco ndihí ña yóho. Ta ndaja coo tá sa nacayati mé quivi cán —nacachi na.

5 Já nacachi Jesús já xihín ná:

—Cuéntá coo ndó ta a quiahva ndó ñamaní jándahvi ni in ñayivi ndohó. 6 Jáchí cuahá ndivaha na quixi na cuéntá mí i ta cahan na ña tuhún tá cachi na já xihín ndó: “Yehe cúu Cristo, da nachindahá Ndióxi cacomí cuéntá sahá ñayivi.” Ta xihín ña yóho cuahá ndivaha ñayivi jándahvi na.

7 Joo tá nacasáhá xini johó ndó ña yóho cáa cúu tondóhó, a cáyihví toho ndó jáchí quiahva já

ndítahan coo. Joo cámaní yíi x̄in̄u c̄oo quiv̄i n̄u ndíh̄i. 8 Jách̄i ñ̄ayivi ndúu in nación ndicūita na caní táhan na x̄ih̄ín n̄a ndúu inga nación ta caní táhan n̄a in ñ̄uu x̄ih̄ín n̄a inga ñ̄uu. Ta quixi nditáán ndijáá n̄u ndúu ñ̄ayivi já x̄in̄u tama ndeé ta já casáhá n̄a ndiv̄aa n̄a. Ta tóco ndihi ñ̄a yóho cúu á tá cava sáhá sáhá ñ̄a núu vaxi nuú ñ̄ayivi jách̄i cámaní x̄in̄u c̄oo chága nuú ndoho ini na.

9 'Joo candaa vaha ndó mé ndó jách̄i ndiquiahva na ndohó ndahá n̄a cómi chuun ta caní na ndohó ini veñuhu. Ta sahá yehe cañehe na ndohó nuú n̄a cómi cuéntá sahá ñ̄ayivi x̄ih̄ín nuú n̄a cúu jutixia ta já cuu cahan ndó sahá i nuú n̄a cán. 10 Joo jihna ñ̄uhú x̄in̄i ñ̄uhú ndicūita nuu tuhun vaha sahá mí i nuú tóco ndihi ñ̄ayivi anda jávi ndihi sahá ñ̄uyiví yóho. 11 Ta tá ná cañehe na ndohó cuhun ndó nuú n̄a jutixia, a ndícani ini ndó sahá ndá tuhun cahan ndó x̄ih̄ín ná. Mé hora já cahan ndó ñ̄a quiahva Ndióxi n̄u ndó cahan ndo. Jách̄i a juú jin̄i mé ndó quixi ñ̄a cahan ndo. Ínima yii Ndióxi cacuu ñ̄a quiahva tóco ndihi ñ̄a cahan ndo. 12 Ta java taa jicó túhún da ñ̄ani da ta java da jicó túhún da jahyi da ñ̄a ná cahní ñ̄ahá n̄a. Ta cuahá ná ndicūita na caní táhan na x̄ih̄ín tátá n̄a ta cahní ñ̄ahá n̄a. 13 Ta ndaja táhan ñ̄ayivi ndúu ñ̄uyiví yóho candají n̄a ndohó sahá yehe. Joo ndá n̄a ná candico tuun ích̄i mí i janda ná x̄in̄u quiv̄i quivi na, n̄a jan cacuu n̄a cacu ndaa ínima.

14 'Na cáhvi tutu ná candaa ini na ñ̄a cahan. Daniel cúu da nacahyí sanahá sahá in ñ̄a quini ñ̄a jativí ñ̄ahá. Tá ná cuni ndó ñ̄a cándichi in a nuú c̄o ndítahan coo a já ndítahan nuú n̄a ndúu estado Judea cunu na cuhun n̄a chí yucu. 15 Ta ndá n̄a cánúu jin̄i vehe mé quiv̄i já c̄o ndítahan nuu na tavá n̄a ñ̄aha vehe na. 16 Ta ndá n̄a ndúu yucu c̄o ndítahan ndicó c̄oo na vehe na ndiquehe na jáhma ná. 17 Ndáhví najihí, mé n̄a ñ̄uhu jahyi mé quiv̄i já. Ta ndáhví n̄a ñ̄ehe ndaa n̄a valí táhan ñ̄a chíhí yii. 18 Caca tahví ndo n̄u Ndióxi ñ̄a ná a cacuu a tiempo vixi tá ná cunu ndó cuhun ndo já ná a ndóho chága ini ndó. 19 Jách̄i quiv̄i ndoho ndivaha ini ndó cacuu a cán. Jách̄i janda tá nacava sáhá sahá ñ̄uyiví c̄oo nandoho ini na tá quiahva ndoho ini na mé quiv̄i jan. Ta tá ná yaha ñ̄a jan, a ndicó c̄oo ga ñ̄a ndoho ini na quiahva já. 20 Ta tá ná a ndaja cuítí Ndióxi tiempo yóho ni in ñ̄ayivi a cúu cacu ndaa. Joo nasacu ini a ndaja cuítí a mé tiempo yóho jách̄i quíhvi ini a tóco ndihi n̄a nacaxi mé á.

21 'Ta tá ná cachi in na x̄ih̄ín ndó: "Candehé ndo, yóho íin Cristo, da nachindahá Ndióxi cacomí cuéntá sahá ñ̄ayivi", á tá ná cachi na: "Candehé ndo, cáa íin da", cachi na já queá a cándusa toho ndó n̄a. 22 Jách̄i quixi cuahá n̄a jándahvi ndohó ta ndaja na mé ná tátuhun Cristo. Joo a juú Cristo cúu ná. Ta quixi cuahá ná ta cachi na cahan n̄a cuéntá Ndióxi ta jari caha na cuahá nuú ñ̄a náhnu x̄ih̄ín ñ̄a xituhún ñ̄a ná jándahvi na ñ̄ayivi. Ta anda n̄a sa nacaxi Ndióxi jándahvi na tá ná cuu caha na ñ̄a. 23 Xíní ñ̄uhú candehé vaha ndó mé ndó jách̄i sa nacaxi tuhun yach̄i ndihi i ñ̄a yóho x̄ih̄ín ndo —nacachi Jesús.

### **Ndaja coo tá ná x̄in̄u c̄oo quiv̄i quixi tucu Jesús**

(Mt. 24:29-35,42,44; Lc. 21:25-36)

24 Já cáhí tucu Jesús já:

—Joo tá sa nayaha tóco ndihi ñ̄a nandoho ini ñ̄ayivi já canaa nuú candii ta a ndíyeh̄e ga yoo. 25 Anda indiví quee quimi cuyu rí n̄u ñ̄uhu ta quiji nuu indiví ñ̄a nacavaha Ndióxi. 26 Anda já cuni na yehe quixi i tañu vico x̄ih̄ín tóco ndihi ndeé cáhnu i, da nachindahá Ndióxi nduu ñ̄ayivi. Ta cuni na ndá quiahva cáhnu cúu yehe. 27 Ta tá nandihí já chindahá i táto mí i ñ̄a ná jánditaca na n̄a sa nacaxi i tañu tóco ndihi ñ̄uu janda ní cúu sahá ñ̄uyiví ta janda ní cúu sahá indiví.

28 'Catiava ndó ñ̄a cuní cachi mé quiahva sácú u nuú ndó sahá titó ñ̄uhú. Tá yuta ndáha dó cán ta vaxi núma valí do já candaa ini ndó ñ̄a vaxi tiempo ihní. 29 Ta quiahva já cacuu ñ̄a yóho tá ná cuni ndó yaha tóco ndihi ñ̄a yóho. Jách̄i anda jávi candaa ini ndó ñ̄a nacayati tiempo quixi tucu yehe ñ̄uyiví yóho. 30 Mé a ndaa ná cahan i x̄ih̄ín ndó ñ̄a yaha tá yaha tóco ndihi ñ̄a nacachi i x̄ih̄ín ndo ta anda jávi quivi n̄a ndúu tiempo viti. 31 Ta ndihi sahá indiví x̄ih̄ín ñ̄uyiví joo a ndíhi toho sahá tuhun nacahan i x̄ih̄ín ndó yóho. Jách̄i coo tá coo va ñ̄a.

32 'Joo ni in túhún toho ñ̄ayivi c̄o x̄in̄i n̄a ndá quiv̄i á ndá hora yaha ñ̄a yóho. Ta ni mé táto Ndióxi

ndúu indivi cō xíní nā ndá quiví coo ñā yóho. Ta ni yehe, da cúu in túhún jini já jahyi Ndióxi cō xíní ndá quiví coo ñā yóho. In túhún Ndióxi, tátá yo queá xíní a.

33 'Sahá ñā cán queá cañuhu ini ndó sahá ñā yóho. Coo tiahva ndó ta cacā tahví ndo nū Ndióxi jáchi cō xíní ndó ndá quiví xinu cōo ñā yóho. 34 Jáchi ñā yóho cúu á tátuhun in dataa quéta cuahan xicá joo tá cámaní quee da cūhun dā jándacoo tóo da vehe da nū mozo dā ñā ná candaa na ñā. Ta sáhan da chuun caja in in mozo dā. Ta nuú dā ndáá yéhe nasahnda da chuun ñā ná candaa vaha da ñā. 35 Sahá ñā cán queá xíní ñúhú coo tiahva ndó jáchi cō xíní ndo ndá quiví xinu cōo mé dā cúu xitoho vehe. Cō xíní ndo á cacuu a tá nacuaá tóo á cacuu a java ñuú táji á cacuu a tá nacana chéle á cacuu a tá sa nativi. 36 Cuéntá coo ndó. A juú tiahva náá xinu cōo da ta ndiñehe dá ndohó ndúu ndó quíji ndo. 37 Ñā cáhan i xihin ndó cáhan i xihin ndihi na: Xíní ñúhú coo tiahva ndó sahá mé quiví quixi tucu u —nacachi Jesús.

14

### **Ndítúhún jehé nā tiin na Jesús**

(Mt. 26:1-5; Lc. 22:1-2; Jn. 11:45-53)

1 Tá cámaní ivi quiví caja na vicó pascua xihin víco tá xíxi na pan ñā cō queé yusá naxaa xihin já nacasáhá nā sacuahā nuú jutū xihin nā jánahā ley Moisés ndúcú nā ndá quiahva caja na tiin jehé nā Jesús já cuu cahní nā a. 2 Ta já cáchi xihin táhan na:  
—A tiin toho í dā mé víco jáchi tiahva náá ndivaa ñayivi —nacachi na.

### **Tá nachojo in ñáñáha perfume jini Jesús**

(Mt. 26:6-13; Jn. 12:1-8)

3 Ta ndaja coo ín Jesús ñuu Betania vehe Simón, dā cáhan nā xihin: taa nandoho cuehe táhyi. Ta nani ndúu coo na nū mesa cán naxinu in ñáñáha ta ñehe ñá in yúyú alabastro nachutú jini a xihin perfume, dó támi ndivaha sáhan ta cúu dó perfume yahvi ndivaha. Ta natahví ñá yóho mé yúyú cán já nachojó ñā do jini Jesús. 4 Ta java nā ndúu cán nacasáhá nā jáá ná xihin ñā já nacasáhá cáchi xihin táhan na já:  
—Ndávaha nativi uun perfume yóho. 5 Coo jicó yó do, nduu ta yáha ga nuú uní ciento denario quehé sahá dó ta xihin jjuhún cán cuu chindeé yó nā ndahví, nduu —cáchi nā. Sahá ñā cán queá naxojo ini na xihin ñáñáha cán ta nacahan núu na sahá ñā.

6 Andā já nacachi Jesús já xihin ná:

—A cáhan ndó xihin ñā. A jáquihvi ndó ñā. Ñā vaha queá nacaja ñá yóho xihin i. 7 Jáchi nā ndahví ní tiempo canduu na tañu ndó ta cuu caja ndó ñā vaha xihin ná ndá tañu cúni mé va ndó joo yehe a cóo tuun toho i xihin ndo. 8 Mé ñá yóho nacaja ñá jandā nuú naxinu ndée ñá caja ñá xihin i. Sa najándicuchu yachi va ñá yóho yiquí cuñu i xihin perfume, dó támi sáhan jan ñā ná coo tiahva vi tá ná casaa quiví nduxu. 9 Mé a ndaa ná cáhan i xihin ndo ní cúu ñuyiví nuú caca nuu ñayivi cáhan na tuhun vaha sahá mí i já queá ndicani na ñā nacaja ñá yóho xihin i já ndicuhun ini na sahá ñā —nacachi a.

### **Jicó túhún Judas Jesús**

(Mt. 26:14-16; Lc. 22:3-6)

10 Ta ndaja coo in táhan dā uxu ivi xica tuun xihin Jesús, dā naní Judas Iscariote nasahan dā cáhan dā xihin nā sacuahā nuú jutū. Já nasahan dā tuhun da nuú nā cán ñā ndiquiahva da Jesús ndáha ná. 11 Tá naxini johō nā cán ñā nacachi da xihin ná nacavatá nā ta nasahan nā tuhun na nū mé Judas ñā quiahva na jjuhún nū dá. Ta sa mé nani já nacasáhá Judas ndúcú dā ndaja cuu caja da ndiquiahva da Jesús nū ná.

**Tá naxijíni ndayí Jesús xihín na xíca tuun xihín á**

(Mt. 26:17-29; Lc. 22:7-23; Jn. 13:21-30; 1 Co 11:23-26)

12 Mé quiví nūú vicó pascua tá xíxi na pan ña cō quée yusá naxaa xihín já sáhní na ndicachi válí jócō na nū Ndióxi. Já nandaca tühún na xíca tuun xihín Jesús mé á já cáhí na já xihín á:

—Ndáchí cúní ndó cūhun nde caja ndíví nde cajíni ndó vicó pascua —nācachi na.

13 Anda já nāchindahá Jesús iví da xíca tuun xihín á já cáhí a já xihín dá:

—Cuáhán ndó ñuu jan jáchí jan ndiñehē ndó in datāa ñéhe da in yoo tūcuií ta candicō ndó da cūhun

ndō. 14 Tá ná xīnū da vehe nūú ndihvi da já cachi ndó xihín da cúú xitoho vehe cán já: “Da jánaha ndehē cáhí xūhun: Ndáchí íin nūú coo i cajíni i vicó pascua xihín na xíca tuun xihín i.” 15 Anda já jánaha mé da cán in cuarto cáhnu ña cánúu jini véhe piso ninu. Sa íin tiahva va ña. Cán caja ndíví ndó ña cajíni —nācachi Jesús xihín ná.

16 Já naquee mé na xíca tuun xihín Jesús cán cuāhan na ta tá naxīnū na ñuu cán nasahīin tá íin cáhí Jesús xihín ná. Já nācacha ndíví na ña cajíni na vicó pascua mé cán.

17 Tá nācuāá naxīnū Jesús xihín ndíhuxū iví na xíca tuun xihín á. 18 Ta tá ndúu coo na nū mesa xíxi na já nācachi Jesús já xihín ná:

—Mé a ndaa ná cāhan i xihín ndō ña in táhan ndó, da ndúu coo xíxi xihín i nū mesa yóho cacuu da jicó tühún yehē —nācachi a.

19 Anda já nācasáhá na cán cácuéha ini na já nācasáhá tá in tá in na ndāca tühún na mé á já cáhí na já xihín á:

—Á yehē cacuu da jicó tühún mé ndó.

Já nācachi inga tucu da já:

—Á a juú yehē cacuu da.

20 Anda já nācachi Jesús já:

—In táhan ndó da cúú uxū iví, da in ndúu xíxi xihín i ini cohó i, da cán cúú da jicó tühún yehē. 21 Yehē cúú da nāchindahá Ndióxi nduu ñayivi ta ndítahan nūú i quivi i tá íin cáhí tūhun Ndióxi. Joo ndáhví nahá nācuu da jicó tühún yehē. Jānda vaha chāga ná a cácu da, nduu —nācachi a.

22 Nani xíxi na ndúu na ñatiin Jesús pan já nāndiquiahva ndixahvi nū Ndióxi. Tá nāndihi nasahnda java ña ta nasahan ña nū ná já cáhí a já xihín ná:

—Júhun ndó jáchí ña yóho cúú tátūhun yiquí cuñu i —nācachi a.

23 Tá nāndihi ñatiin a in vaso nū ñúhu tó uva já nāndiquiahva ndixahvi nū Ndióxi. Ta nasahan mé á do nūú na cán ta tá in tá in na naxihi na do. 24 Já nācachi a já xihín ná:

—Dó yóho cúú dó tátūhun níi i, dó cuíta sahá cuahá ñayivi. Tá ná cuíta níi i já candaa ini ndó ña najaxīnū coo Ndióxi tūhun a nasahan sanahá. 25 Mé a ndaa ná cāhan i xihín ndō ña a cóho ga i tó uva jānda quiahva ná xīnū coo quiví coho tucu u inga dó vaha chāga tá ná xīnū quiví cacomí Ndióxi cuéntá sahá ñayivi —nācachi a.

**Cáxi tūhun Jesús ña chijehé tūhun Pedro ña xīnī da mé á**

(Mt. 26:30-35; Lc. 22:31-34; Jn. 13:36-38)

26 Tá nāndihi naxita na in canto já naquee na cuāhan na yúcu yitō Olivo. 27 Anda já nācachi Jesús já xihín ná:

—Tócó ndihi ndó jāndacoo ndó yehē ñuú viti jáchí já cáhí tūhun Ndióxi já: “Cahní i da ndáá ndicachi ta xihín ña yóho ndicuíta nuu ndicachi jānā dá cūhun rī”, cáhí tūhun Ndióxi. 28 Joo tá nāndihi nditacu tucu u ta já cūhun jihna ñúhú yehē estado Galilea anda já cūhun mé ndó —nācachi a.

29 Anda já nācachi Pedro já xihín Jesús:

—Vatí ná jándacoo ndihi na mé ndó joo a jándacoo toho i ndohó —nācachi da.

30 Anda já nācachi Jesús já xihín dá:

—Mé a ndaa ná cahan i xuhun mé űuú viti tá cámaní cana ivi chéle já chijehé tuhún ña xínun yehe unī tañu —nācachi a.

31 Já nacasáhá ndúcu ndéé Pedro cahan da já cáchí da já:

—Vatí ná quivi i xihín ndo joo a chjehé tuhun toho i sahá ña xíní i mé ndó —nācachi da.

Ta mé quiahva já nācachi ndihi na cán xihín á.

### Tá xíca tǎhví Jesús tañu yitó olivo naní a Getsemaní

(Mt. 26:36-46; Lc. 22:39-46)

32 Anda já naxinū na cán in nuú naní Getsemaní já nācachi Jesús já xihín na xíca tuun xihín á:

—Yóho cacoo ndó nani ná cuhun i cáa caça tǎhví i nu Ndióxi —nācachi a.

33 Ta ndáca Pedro xihín Jacobo xihín Juan cuahan xihín á. Ta ndaja coo nacasáhá cácuéha ini a ta a juú quiahva táhví ini a. 34 Já nācachi a já xihín ná:

—Cácuéha ndivaha ini i chí quivi i cúu ini i. Yóho candoo tóo ndó ta coto a cúju ndo —nācachi a.

35 Anda já naquee Jesús cuahan chága chí nuú já nācaxítí a janda quiahva naxinū coo nuú á nu űúhu cán. Já naxíca tǎhví a nu Ndióxi ña ná caja mé á ña ná a ndóho a tá quiahva vaxi nu á ndoho a chí nuú.

36 Já cáchí a já xíca tǎhví a nu Ndióxi:

—Tátá Ndióxi, tóco ndihi ñaha cuu caja ndó. Chindeé ndó yehe ná a ndóho i ña ihvi ndivaha ña vaxi nuú i ndoho i. Joo ná coo tá ín cúní mé ndó ta ná a cóo toho ña cúní yehe —nācachi a.

37 Anda já nādicó coo a nu ndúu na xíca tuun xihín á cán ta já nādiñehe á na quíji na ndúu na. Já nacasáhá cáchí a já xihín Pedro:

—Á quíji vún, Simón. Á coo nācuu canditún ni in hora. 38 Xíní űúhú coo tǎhva ndó ta caça tǎhví ndo nu Ndióxi já ná a cóto ndojó rí quini ndohó. Mé a ndaa ínimā ñayivi cúní a ndinducú a Ndióxi joo yiquí cuñu na co ín tǎhva caja ña cúní Ndióxi —nācachi a.

39 Anda já naquee tucu a cuahan caça tǎhví a nu Ndióxi. Ta sa mé tuhun nācahan nu cuítí cán nācahan tucu a chí ivi. 40 Ta tá nādicó coo a nādiñehe tucu a na xíca tuun xihín á cán ndúu na quíji na jáchí naqueehe a mahnú na. Ta chí co xíní na ndá tuhun nducú ñehe na nu Jesús sahá ña quíji na. 41 Tá nādicó coo a táhnda unī já nācachi a já xihín ná:

—Vatí cúní ndó cuju ndo ta vatí cúní ndó ndiquehe ndéé ndo joo a cúu caja ndó ña viti. Jáchí sa naxinū coo hora ndiquiahva na yehe, da nāchindahá Ndióxi nduu ñayivi ndahá ñayivi cǎja cuachi. 42 Cuáhán ndacoo ndó ná cōho. Jáchí sa vaxi da jíco túhún yehe —nācachi a.

### Tá natiin na Jesús

(Mt. 26:47-56; Lc. 22:47-53; Jn. 18:2-11)

43 Ta nani cahan yij va Jesús cándichi a já naxinū Judas, da cúu in táhan da uxu ivi xíca tuun xihín Jesús cán. Ta xihín mé da cán vaxi cuahá ñayivi ñehe na machiti xihín yitō viti. Mé na vaxi cán cúu ná na vaxi cuéntá na sacuaḥa nuú jutu xihín nuú na jánaha ley Moisés xihín nuú na sacuaḥá veñuhu. 44 Ta mé Judas, da ndiquiahva mé á nuú na cán sa nācandoo da xihín na cán ña tatí yúhu dá sajóho Jesús jáchí nācachi da já xihín ná:

—Mé da ná tatí yuhú u sajóho, da cán cúu dá tiin ndó ta cató tuun ndó da cañehe ndó cuhun ndo —nācachi da.

45 Ta tá naxinū da cán chí ivi laá nācayati da nu Jesús já cáchí da já xihín á:

—Maestro, maestro.

Já nātátí yúhu dá sajóho a. 46 Anda já natiin tuun na Jesús.

47 Joo in táhan da xíca tuun xihín Jesús cán ñatavá da machiti da já ñachitúhun dá in joho da cúu mozo da sacuaḥa nuú jutú cán. 48 Anda já ñacachi Jesús já xihín ña ñaxinu tiin ñahá cán: —Cája ndó xihín i tátuhun cája na xihín taa cuíhna jáchi ñaqueta ndó vaxi ndó tiin ndó yeḥe xihín machiti ta xihín yíto. 49 Ndijáá ní quívi ñasahin i tañu ndó jan ta najánaḥa i ndohó ini veñuhu cáhnu ta ni in tañu coó ñatiin ndó yeḥe. Joo tóco ndihi ña yáha yóho xíní ñúhú yaha ña já ná xinu coo nuú ña ñacahyi saḥá i ini tūhun Ndióxi —ñacachi a.

50 Anda já ñaxinu ndihi ña xíca tuun xihín Jesús cán cuḥan ña ta najándacoo na mé á.

Tá ñaxinu in datacú cuḥan da

51 Joo in datacú cátiví da in túhún jini sávana ndíco da jatá ña cán cuḥan da ta ñatiin na da. 52 Joo najaná da mé dá ta ñacandoo sávana da já ñaxinu lahla da cuḥan da.

### **Ñasacu na Jesús nuú ñataca ndihi ña sacuaḥa**

(Mt. 26:57-68; Lc. 22:54-55, 63-71; Jn. 18:12-14, 19-24)

53 Anda já ñasañeḥe na Jesús ñasahan ña nuú da cúu sacuaḥa chága nu ndihi jutú. Ta ñandique táhan tóco ndihi ña sacuaḥa nuú jutú xihín ña sacuaḥa veñuhu xihín ña jánaḥa ley Moisés. 54 Ta ñasandico xíca Pedro Jesús anda quiahva ñaxinu da yéḥe veḥe da cúu sacuaḥa chága nu ndihi jutú cán. Já ñasacoo da xihín da ndáa veñuhu cáhnu cán xítúni da yati yávi núhu cán.

55 Ta ña sacuaḥa nuú jutú xihín tóco ndihi ña cómi cuéntá saḥá ña Israel ñataca na cán ndúcu ña cuachi jácana na jatá Jesús já cuu cañí ñahá ña. Joo coó cuachi jíquí ná ñeḥe ná chínúu na jatá mé á.

56 Ta cuḥa ná ñacasáḥa cáhan ña ña túhún saḥa Jesús joo coo xinu túhun cáhan ña jáchi a cuú ndique táhan vaha túhun na. 57 Ta ñandaca ndichi java da cáhan da túhun jíquí saḥa Jesús já cáchi da já:

58 —Ñaxini joho nde ñacachi da jan já: “Jánditani i veñuhu cáhnu cán, ña ñacavaha ñayivi ta tixi uní quívi jácandichi tucu u inga ga ña a cuú cavaha ndahá taa” —ñacachi da.

59 Joo ni já coó ñacuu ndique táhan túhun na xihín ña ñacachi ña cán.

60 Anda já ñandaca ndichi mé da cúu sacuaḥa chága nu ndihi jutú tañu ña cán já ñandaca túhún da Jesús já cáchi da já xihín á:

—Á chí a ndúcu ñehún túhun nuú nde saḥá cuachi jácojo na jatun —ñacachi da.

61 Joo coó ñacahan Jesús ni in túhun xihín ná já táji ní já va ñasahin a. Mé da cúu sacuaḥa chága nu ndihi jutú cán ñacasáḥa ndáca túhún tucu da a já cáchi da já xihín á:

—Á jivi ndusa yóho cúun Cristo, da cúu in túhún jini já jahyi Ndióxi yii, mé da ñachindahá Ndióxi cacomí cuéntá saḥá ñayivi —ñacachi da.

62 Anda já ñacachi Jesús já:

—Ajan, jivi yeḥe cúu dá. Ta vaxi quívi tá cuni ndó yeḥe, da ñachindahá Ndióxi nduu ñayivi cacoo i xoo cuáha Ndióxi, mé a iin cuḥa ndé. Ta já cuni ndó yeḥe ndicó coo i ñuyívi yóho tañu vico tá ná quixi i chí indivi —ñacachi a.

63 Anda já ñandatá da cúu sacuaḥa chága nu ndihi jutú jáhma da ña ná candaḥa ini ñayivi ña xójo ini da. Já cáchi da já:

—Ndá chicuu chága yó ñayivi ndicani nu yo. Xihín ña ñacahan da yóho candaḥa ini ña ndája núu da Ndióxi. 64 Á sa ñaxini joho ndó ña ndája núu da Ndióxi xihín túhun ñacahan da. Ndaja xíní ndó caja i xihín dá viti —ñacachi da.

Anda já ñandique táhan túhun ndihi ñayivi ña ndácaan cuachi nu Jesús ña cán quea ndítahan quivi a.

65 Java na ñacasáḥa ña xíhnu ndaa na tójíi nu á ta java na ñachicaji na jáhma nu á já ñacasáḥa cáni na jahnda nu á já ndáca túhún ñahá ña já cáchi ña já xihín á:

—Cahan xihín nde yo ñacani yohó viti —ñacachi na.

Ta janda na ndáa veñuhu cáhnu cán viti ñacasáhá cáni na jahnda nuu á.

### Tá ñachijehé tũhun Pedro ña xini da Jesús

(Mt. 26:69-75; Lc. 22:56-62; Jn. 18:15-18, 25-29)

66 Ta ndaja coo Pedro ñin yij dá xítúni da cán já ñaxinu in ña cája chúun xihín da cúu sacuaḥa chága nu ndíhi jutú. 67 Já ñaxini ña xítúni Pedro ta nahá vaha ñasandehé ña nu dá já cáchi ña já:

—Yóhó cúun táhan da xica tuun xihín Jesús, da nuu Nazaret —ñacachi ña.

68 Joo ñachijehé tũhun da ña xini da Jesús já cáchi da já:

—Uñun. Co xini toho i da ta co xini toho yehé ndá saḥa cáhun —cáchi Pedro.

Anda já ñacayati da yuyehé ta ivi laá ñacana chéle. 69 Tá ñaxini mé ña cája chúun xihín da cúu sacuaḥa chága nu ndíhi jutú cán ña ñasandichi tóo da yehé cán já ñacasáhá ña cáxi tũhun ña xihín tóco ndíhi ñayivi ndúu cán já cáchi ña já:

—Candehé ndó. Da cáa cúu in táhan da xica tuun xihín Jesús —ñacachi ña.

70 Ñacachi tucu Pedro ña co xini da Jesús. Chá va ñayaha ña yóho ta já ñacachi na ndúu xítúni cán xihín Pedro:

—Táhan ri da cáa va cúu yóhó jáchi cúun da Galilea ta cáhun tátũhun cáhan na cán —ñacachi na.

71 Anda já ñacasáhá Pedro cánaḥa da ta ñatavá da quivi Ndióxi ña co xini da Jesús já ñacachi da já:

—Ni co xini mí i ndá ta cúu da jan, da cáhan ndó saḥa jan —ñacachi da.

72 Tá ñacachi da já ivi laá ñacana chéle ña chí ivi. Anda já ñandicũhun ini Pedro ña ñacachi Jesús xihín dá tá ñacachi a já: “Tá cámaní cana ivi chéle sa chíjehé tũhún ña xínún yehé uní tañu.” Tá ñandicũhun ini Pedro ña yóho já ñacasáhá sácu ndivaha da.

15

### Tá ñandiquiḥva na Jesús ndáḥa Pilato

(Mt. 27:1-2, 11-14; Lc. 23:1-5; Jn. 18:28-38)

1 Tá ñativi inga quivi itaan já ñandique táhan na sacuaḥa nuú jutú xihín na sacuaḥa veñuhu xihín na jánaḥa ley Moisés xihín ndíhi na cómi cuéntá saḥa na Israel. Já ñacató na Jesús ñeḥe na a cuahan na já ñandiquiḥva na mé á nu Pilato. 2 Ta mé Pilato ñandaca tũhún da Jesús já cáchi da já xihín á:

—Á mé a ndaa cúun in rey, da cómi cuéntá saḥa na Israel.

—Ajan. Jivi cúu u tá quiaḥva cáchi ndo jan —ñacachi Jesús xihín dá.

3 Ta najácojo na sacuaḥa nuú jutú cán cuahá cuachi jata Jesús. 4 Já ñandaca tũhún tucu Pilato Jesús já ñacachi da já xihín á:

—Ndávaḥa co ndúcu ñehún tũhun nuú i. Candehé ndaja cuahá nuú cuachi jácojo na jatun —ñacachi da.

5 Joo ni in tũhun coo ñacahan Jesús. Tá ñaxini Pilato ña co ndúcu ñeḥe Jesús tũhun já ñacatóntó da saḥa ña cája.

### Sácu ini na saḥa Jesús ndaja caja na ña ná quivi a

(Mt. 27:15-31; Lc. 23:13-25; Jn. 18:38-19:16)

6 Tañu mé víco pascua ñasahin costumbre Pilato ña janí da in da ndácaan vecaa. Ndá da cúní ñayivi janí da, da cán cúu da janí da. 7 Ta ndaja coo mé já ndácaan in da naní Barrabás vecaa xihín java ga da ñaxica xihín dá. Ndácaan da vecaa saḥa ña ñasahní da ndii tá ñandivaa ñayivi. 8 Chí ñaxinu ñayivi nu Pilato já ñacasáhá na cáhan na xihín dá ña ná caja da tá quiaḥva sá caja da. 9 Joo ñandaca tũhún Pilato na já cáchi da já:

—Á cõ cúnj ndó ña ná janí i da cúú rey nuú ñayivi Israel yóho —ñacachi da.

10 Ñacachi Pilato ña yóho jáchj xínj da ña nandiquiahva na sacuahã nuú jutú cã Jesús nu da sahã ña cáhjhvi ini na xihjñ á. 11 Joo na sacuahã nuú jutú cã ñacasáhã na jándinjh na ñayivi ña ná cachi na xihjñ Pilato ña ná janí da Barrabás. 12 Tá nandihj já nandãca tuhún Pilato na já ñacachi da já xihjñ ná: —Ndã cúnj ndó cã i xihjñ da cáchj ndó cúú rey nu ndóhó, na Israel —ñacachi da.

13 Andã já nanducú ñehe ñayivi cã tuhun nu Pilato já cáchj na já xihjñ dá:

—Cata caa ndó da ndica crúxu.

14 Já ñacachi Pilato já xihjñ ná:

—Ndã cuãchi ñacaja da, vaha.

Joo ví ga ví cáyuhú cóhó na já cáchj na já:

—Cata caa ndó da ndica crúxu.

15 Ta sahã ña cúnj Pilato candõ vaha da nuú ñayivi najaná da Barrabás. Ta tá nandihj najácaxáhan na Jesús já nandiquiahva da a ndãha na cuhũn cata caa ñahã na ndica crúxu.

16 Andã já ñehe soldado Jesús cuãhan na yuyéhé vechúun cã. Já najánditaca soldado cã java ga táhan da. 17 Já ñachinúu na in jahmã cuáhã túun jatã Jesús ta ñachinúu na in tjiyivi ñũu jiní á. 18 Tá nandihj já ñacasáhã na cáyuhú na já cáchj na já:

—Cãhnu nahã ná cacuu yóhó, da cúú rey nuú na Israel —cáchj na sãcu ndaa ñahã na.

19 Tá nandihj ñacasáhã cáni na yiquí jiní a xihjñ in ndõ ta ñacasáhã na xihnu ndaa na tójjí na nuú á já ñacasáhã na cáxítí na nu á ña cãja na tátuhun cãja cáhnu na a. 20 Tá nandihj nasãcu ndaa na a já ñatavã na jáhãmã cuáhã túun ña ñasanúu jatã. Ta najándãca ndixi na a xihjñ jáhãmã mé á já ñasãnehe na a cuãhan na cata caa na a ndica crúxu.

### **Tá ñacata caa na Jesús ndica crúxu**

(Mt. 27:32-44; Lc. 23:26-43; Jn. 19:17-27)

21 Tá ñehe na Jesús cuãhan na cata caa na a ndica crúxu já nandique táhan na xihjñ in da vaxi da ndihvi da ñuu Jerusalén. Mé da cã naní da Simón, da ñuu Cirene, da cúú tátã Alejandro xihjñ Rufo. Já ñacaja ndúsã ná xihjñ dá ña ná ndicojo da crúxu nuú cata caa na Jesús.

22 Já ñasãnehe na Jesús ñasãhan na in xiquí naní Gólgota. Tuhun yóho cúnj cáchj a: nu ndúu lásã yiquí jiní ndji. 23 Cã ñasãhan na vino nu Jesús, dó ñacava táhan xihjñ jusa ña naní mirra. Joo cõõ ñaxeen toho a coho a dõ. 24 Andã já ñacata caa na a ndica crúxu. Já ñacasáhã soldado cã sãjiquí da sahã jáhãmã Jesús ta ñacachi xihjñ táhan da ña ndã da ná quee vaha cuu quehe in in jáhãmã Jesús.

25 Ta cúú á tátuhun caã in naha tá ñacata caa na Jesús ndica crúxu cã. 26 Ta jiní ndica crúxu cã ñacãhyí na ndã sahã ñacata caa na a ta já cáchj a já: “Da yóho cúú rey nuú na Israel.” 27 Ta sa mé já ñacata caa na ivi tã cuinhã xihjñ Jesús: in da xoo cuãha ta in da xoo íti. 28 Ta xihjñ ña yóho ñaxinu cõõ tuhun Ndióxi tá cáchj a já: “Taũu tãa quini ñasacu na a.”

29 Chí cáva jiní mé ñayivi yãha cã cãnahã na xihjñ á já cáchj na já:

—Candehé. Yóhó cáchún ña jánditanun veũhu cáhnu cã ta tixi unj víxí quivi cáchún jácandichi tucún ña. 30 Jáçacu mún. Cuãhãnu nu ndica crúxu jan —ñacachi na sãcu ndaa ichj na.

31 Ta quiahva já cãja na sacuahã nuú jutú cã xihjñ na jánhã ley Moisés sãcu ndaa ñahã na. Ta ñacasáhã cáhan xihjñ táhan na já cáchj na já:

—Ñacuu ñacaja Jesús jáçacu da java ga ñayivi joo viti a cuú jáçacu da mé dá. 32 Tá ta mé a ndã cúú dá Cristo, da cúú rey nuú na Israel ná nuu da ndica crúxu viti ñuhú já ná candúsa nde da —cáchj na.

Ta jãnda da ivi táhan ndãca ndica crúxu jiní á cã cãnahã da xihjñ á.

### **Tá ñaxihj Jesús**

(Mt. 27:45-56; Lc. 23:44-49; Jn. 19:28-30)

33 Tá naxinu coo caxivi ndaa nacanaa ní cúu ñuyívi ta janda caa uni sahini já nacasáha nandiyehé tucu. 34 Ta sa mé hora já nacayuhú cóhó Jesús já cáhí a já:

—Eloi, Eloi, lama sabactani —nacachi a.

Tuhun yóho cúni cáhí a: Ndióxi mí i, Ndióxi mí i, ndávaha najándacoo ndáha ndó yehe.

35 Ta java na ndíta cán naxini johu na tuhun cáhí a. Já nacachi na já:

—Cuni johu ndó jáchi cána da profeta Elías —nacachi na.

36 Anda já xínu in da nasahan da nachindaxi da in ticoto ini vino iyá. Já nacató da mé ticoto cán nuú in yitó ndoo já nachitivi da do yati yúhu Jesús ña ná coho a do. Já nacachi da já xihín java da cán:

—Cóho candehó á quixi Elías jánuu a da ndica crúxu —nacachi da.

37 Anda já nacayuhú cóhó Jesús já naxihí a. 38 Anda já nandatá java ndaa jáhma ndeé ña sáji nuu nuú yíi ndivaha veñuhu cáhnu ñuu Jerusalén cán. Janda jini á ta janda sahá nandata. 39 Ta ndaja coo in dataa, da sáhdá chuun nuú soldado cuéntá Roma nasahin da nu ndáca Jesús cán ta tá naxini da naxihí a já nacachi da já:

—Mé a ndaa táhyí cúu da yóho in túhún jini já jahyi Ndióxi —nacachi da.

40 Ta nasanduu java najihí ta sándehe xíca na Jesús. Tañu na yóho nasandacaan ña naní María, ña ñuu Magdala xihín María, ña cúu náná Jacobo, da loho chá nuú José xihín in ña naní Salomé. 41 Nasandico najihí yóho jata Jesús ta nachindee ñahá na tá nasahin a estado Galilea. Cuahá ga najihí nasanduu cán ta java na cúu ná na nasahan xihín á ñuu Jerusalén jihna tá cámaní quivi a.

### Tá najánduxu na Jesús

(Mt. 27:57-61; Lc. 23:50-56; Jn. 19:38-42)

42 Tá nacuaá too uun quívi viernexe tá cámaní casaa quívi ndíquehe ndeé na Israel já nayaha tóco ndihi ña yóho. 43 Ta ndaja coo íin in da naní José, da ñuu Arimatea, da cúu táhan na cómí cuéntá sahá na Israel. Mé José yóho ndátí da casaa quívi cacomí Ndióxi cuéntá sahá ñayivi ñuyívi yóho. Ta nasahan ndeé ini da cuhun da cahan máni dá xihín Pilato sahá yiquí cuñu Jesús ña ná quiahva mé Pilato ña nu dá. 44 Chí nacatontó Pilato tá nacandaa ini da ña sa naxihí Jesús. Já nacana da da sáhdá chuun nuú soldado da já nandaca tuhún ñahá da á sa naxihí Jesús. 45 Tá nacaxi tuhun da cán nu Pilato ña sa naxihí Jesús já nasahan Pilato ñamaní nuú José ña ná ndíquehe da yiquí cuñu Jesús. 46 Anda já naxeen José in jahmá vaha ta najánuu da yiquí cuñu Jesús ndica crúxu já nachitivi da ña xihín mé jahmá vaha cán. Tá nandihí já nachicaan da mé yiquí cuñu Jesús cán ini in yávi ndácaan ndica cáva. Tá nandihí já nachijahvi da yuhú cáva cán xihín in yuu jáhdá cáhnu. 47 Ta ndaja coo María, ña ñuu Magdala xihín María, náná José nasandehé na nuú nasacu na yiquí cuñu Jesús ini mé cáva cán.

16

### Tá nanditacu tucu Jesús

(Mt. 28:1-10; Lc. 24:1-12; Jn. 20:1-10)

1 Ta tá sa nayaha quívi ndíquehe ndeé na já nasahan María, ña ñuu Magdala xihín María, ña cúu náná Jacobo xihín Salomé viti naquee na cuahan na cueen na java nuú ñaha támi sahan ña chindáa na yiquí cuñu Jesús. 2 Ta naha chá mé quívi domingo tá naqueta candii já cuahan na nuú nachicaan na yiquí cuñu Jesús cán. 3 Ta nani xíca na cuahan na íchi cán já ndítuhún xihín táhan na ndá quiahva caja na tavá na yuu ndáji nuú ndácaan yiquí cuñu Jesús cán. Já cáhí na já:

—Yo tavá toho yuu ndáji nuu nuú quíhví ini nu ndácaan yiquí cuñu Jesús —cáhí xihín táhan na casahan na jáchi cáhnu ndivaha mé yuu cán.

4 Joo tá naxinu na mé cáva cán já naxini na ña coo ga yuu ndáji yuhú cáva cán. 5 Ta tá nandihvi na mé

cáva cán já naxini na cáa fín in dātaa ndíxí jahmá yaa ña cáni. Ín coo da xoo cuáha ta cúú dá da yúta. Tá naxini najihí yóho da cán chí nayihví na. 6 Anda já nacahan da cán já cáhí da já: —A yíhví toho ndó. Xíni yehe ña ndínducú ndo Jesús ña Nazaret, ña nacata caa na ndíca crúxu. Candehé ndo nuú nasacu na a. Coó ga fín viti jáchí nanditacu tucu a. 7 Ta viti cuáhán ndo caxi tūhun ndó xihín na naxica tuun xihín á ta xihín Pedro ña cánúú mé á cuahan estado Galilea. Tá cūhun ndó cán já cuni ndó a tá quiahva nacachi mé á xihín ndo —nacachi tátō Ndióxi. 8 Já naquee na cán xínu na cuahan na jáchí nayihví ndivaha na anda quíji ninu na. Coó nacahan na xihín ni in ñayivi jáchí nayihví ndivaha na.

### **Tá naxini María, ña ñuu Magdala Jesús**

(Jn. 20:11-18)

9 Tá nandihí nanditacu tucu Jesús ta tá nativi mé quívi domingo já ña nu cuítí naxini Jesús nasacuu ña María, ña ñuu Magdala, mé ña natavá Jesús usá rí quini nasandacaan ini ña. 10 Ta tá naxini ña mé á já naquee ña cuahan ña caxi tūhun ña nuú na naxica tuun xihín Jesús ña tácu a. Ta ndúu cuéha ini na ta sácu na ndúu na tá nasaa ña. 11 Ta nacaxi tūhun ña nu ná ña nanditacu tucu Jesús ta naxini ña mé á joo coó naxeen na candúsa na ña.

### **Tá naxini ivi da naxica tuun xihín Jesús mé á**

(Lc. 24:13-35)

12 Ta tá nandihí já nandijama Jesús ndá quiahva cáa já nandaca náha á nuú ivi táhan na cuahan yúcu, na naxica tuun xihín á. 13 Joo tá nandicuni na mé á já naquee na cuahan na caxi tūhun na xihín na java cán joo coó naxeen na candúsa na tūhun nacahan ndívi na yóho xihín ná.

### **Sáhdá Jesús chuun nuú na xica tuun xihín á**

(Mt. 28:16-20; Lc. 24:36-49; Jn. 20:19-23)

14 Tá nandihí cán nandaca náha Jesús nuú ndíhuxu in na naxica tuun xihín á nani ndúu na xíxi na. Já nacasáha jánani a na jáchí nandaja táhyí na ínimá na ta coó naxeen na candúsa na ña naxini na java cán Jesús tá nandihí nanditacu tucu a. 15 Já nacasáha cáhí Jesús já xihín ná: —Cuáhán ndo ní cúú ñuyívi yóho ta caxi tūhun ndó xihín ndihí ñayivi tūhun vaha sahá i. 16 Ta ndá na ná candúsa yehe ta candúta ná já quéa cacu ndaa ínimá ná ta a cūhun na indayá. Joo na co candúsa yehe, na cán cúú na cūhun na ndoho ini na indayá anda ama cáa quívi. 17 Joo na cándéé ini yehe caja na ña xitúhún. Ta xihín quívi yehe tavá na ínimá quini ndacaan ini ñayivi. Ta ndacahan na tūhun saá ña coó nacatiqva na. 18 Ta tá ná tiin ndáha ná coo ta tá ná coho na ña cúú cahní ñahá, a cahní toho a na. Ta tá ná chinúu na ndáha ná jiní na quíhví já ndivaha mé na quíhví cán —nacachi Jesús.

### **Tá nandaa Jesús cuahan indiví**

(Lc. 24:50-53)

19 Tá nandihí nacahan Jesús, xitoho í tóco ndihí tūhun yóho xihín ná anda já nandindita cuahan indiví ta nasacoo a xoo cuáha Ndióxi, tátá yo. 20 Tá nandihí já naquee na naxica tuun xihín á cán cuahan na caxi tūhun na tūhun vaha sahá Jesús ndijáá ñuu. Ta já nacindeé Jesús, xitoho í na cán ta náha ña cúú á ña ndaa cahan na jáchí nacaja mé á ña cúú cája na cuahá nuú ña xitúhún. Já ná coo.